

თქ 9096  
2

ს. შირცხალავა

ქართულთა წინაპრები

ს

მათი მონათესავე ტომები.

წინა აზიასი

40—6 ს. ს.

პრინ. წიგ

(ოთხი ქართით და ოთხი სურათით)

პ ა რ ი ზ ი

1947 წ.

გულითადს მადლობას ვუძღვნი ბ. კ. კობახიძეს, რომელმაც თქისრა ამ წიგნის გამოცემის მთელი ხარჯი. ვმადლობ აგრედვე ბ. ა. მეუნარგიას, ბეჭდვის ტექნიკურ ხელმძღვანელობისათვის და ბ. ზ. ჩიჩუას კორექტურაში დახმარებისათვის. მადლობა ჩემს მოწაფეს რამ. ნას-შვილს წიგნის სათაურის და ქარტების გაკეთებისათვის.

ს. ფ.

## შ ე ს ა ვ ა ლ ი \*)

ბოდიშს ვიხდი, რომ მე ხელობით ჟურნალისტი - პუბლიცისტი ხელს ვკიდებ ისტორიულ თემას, მერე ისეთს რთულს, ჯერ კიდევ საკმაოდ არ გარკვეულს, როგორცაა წინააზიის მოსახლეობა და ამასთან დაკავშირებით ქართველთა ნათესავის შორეული წარსული, რომელიც იწყება დაახლოებით 60 - 70 საუკუნის წინად. ეს თემა დიდი სპეციალისტების, არქეოლოგების, ლინგვისტების, საზოგადო ისტორიკოსების საგანია, ღრმა და ფართო კვლევა - ძიების სარბიელია. აქ ჯერ მხოლოდ დასაწყისია მუშაობის. ზოგი რამ განათებულია უკვე, მაგრამ ბევრი ძალიან მკრთალად მოიხანს. არის ზოგადი ხაზები, უდავო ფაქტელები, მთავრად არის კვანძები, რომლის გაუხსნელია აბრკალებს წინსვლას; არის პერსპექტივები უდიდესი მნიშვნელობის არა მარტო საქართველოსათვის, არამედ მთელი მსოფლიოს ისტორიისათვის, ხოლო ამასი იქა - აქ ჩარეულია ჰიპოტეზები.

მიუხედავად ამისა თუ ერთგვარი მოუკრძალებლობა გამოვიჩინე და მინდა გესაუბროთ ქართველთა წინაპრებსა და მათ მონათესავე ტომებზე, მხოლოდ იმიტომ, რომ საგანი უალრესად საინტერესოა თავისთავად ყოველი ქართველისათვის, იმიტომ, რომ აქ უცხოეთში არ მოგვეპოვება სათანადო ქართული წიგნები, არც ვინ გვყავს მცოდნე სპეციალისტი, რომ გაგვაცნობიეროს საუკეთესოდ, და ამისათვის ვბედავ, ცოტა რამ მაინც გითხრათ, ფაგაცნოთ ბევრისათვის უცნობი. თუ ჩემი ნა-

\*) ეს მოხსენება საჯაროდ იყო წაკითხული პარიზში 1946 წ. III/8.

თქვაში ზოგიერთისათვის საკმაო არ დარჩება, მას შეეძლება თავისი გაღვიძებული ცნობისმოყვარეობა სხვა წყაროებიდან დაიკმაყოფილოს.

რასაც ქვემოლ მოგახსენებთ, აქ ჩემი არაფერია, პირადად მე არა გამომირკვევია და არა აღმომიჩენია რა. ჩვენი დღევანდელი საკითხი დიდი ხანია მიზიდავდა და შეძლებისდაგვარ თვალყურს ვადევნებდი, რაც იწერებოდა. ხოლო ბოლო წლებში განსაკუთრებით დავინტერესდი უცხოელ მკვლევართა აზრით, და გავეცანი რამდენიმე სერიოზულს გამოკვლევას წინააზრის უძველეს მოსახლეობის შესახებ. ჩემს მოხსენებაში მე გადმოგცემთ იმათ დაკვირვებას, აზრებს, დასკვნებს. ამას დავძენ, რომ მოხსენების წერის დროს მუდამ თვალწინ მედგა 11 წლის წინად გარდაცვლილი დიდი მეცნიერი ნ. მარი, რომელმაც პირველმა აიტანა ქართველი და მისი მონათესავე ერების ისტორია მსოფლიო მნიშვნელობის სიმალლეზე.

ვიტყვი იმასაც, რომ ჩემი დღევანდელი საუბრისათვის წამახალისა შემდეგმა ფსიქოლოგიურმა გარემოებამაც: დღეს ისეთ დროში ვცხოვრობთ, რომ კარგია, საჭიროა, ღრმად ჩავიხედოთ ჩვენს ეროვნულ ვინაობასა და რაობაში. ამან ეგებ გვაზრუნობინოს, რომ სოფელი წუთი არაა. ქართულ თქმაში „წუთი სოფელი“ დიდი ბრძნული დაკვირვების აზრია, თუ მხედველობაში მივიღებთ სივრცის და დროის ჟუსანდრობას და დაუსრულებლობას. მართლაც, რა არის ჩვენი არსებობა და მთელი დედამიწისაც, თუ არა წუთი! მაგრამ ეს ფილოსოფიურად. პრაქტიკულად კი სოფელი წუთი არაა. ცხოვრება, ერის ნამეტურ, გრძელია, გრძელია არა მარტო ოდენ უკან, გარდასრულისკენ მიხედვით, არამედ წინ, მომავლისკენ გახედვითაც...

## ქართველთა წინაპრები

და

## მათი მოხატვისათვის ტომები წინააზიაში

40—6 ს. ს. ქრ. წ.


(სუმერი - ელამი - შური მიტანი - ხეთა - ურარტუ - კასხი  
- მუსხი - ლიდია - ფრიგია)

იყო დრო და არც ისე შორსაა ეს დრო, როცა სწავლულები კაცობრიობის თავგადასავალს საბერძნეთის და რომის ისტორიით იწყებდნენ. მერე ამას მიუმატეს ცოტა ეგვიპტეს ამბები, შემდეგ კიდევ ირანის, ბაბილონის, ასურეთის. ისტორიულ სცენაზე სჩანდნენ მხოლოდ სემიტები და ინდოევროპიელები და მთელი ცივილიზაცია ქვეყნიერებისა იხატებოდა როგორც მათი ნამოქმედარი და შექმნილი. მაგრამ დაახლოვებით 60 - 70 წ. წინად დაწყებულმა გათხრებმა წინააზიისა სხვა და სხვა ადგილებში, გათხრებმა, რომელიც განსაკუთრებით გაძლიერდა უკანასკნელ 25 წ. განმავლობაში და რომლისთვის ერთმეორეს ეცილებოდნენ ფრანგი, ინგლისელი, გერმანელი, ამერიკელი და სხვა არქეოლოგები, — სულ ერთიან გადდატრიალა არსებული ისტორიული შემეცნება. გათხრებმა აღმოაჩინეს მთელი ქალაქები, ტაძრების და სასახლების ნანგრევები, არხები, გზა-ტყევილები, აღმოაჩინეს ვრცელი ბიბლიოთეკები, ნაწერები, რომლებიც შეიცავენ მრავალფეროვან ცხოვრების დარგებს, აღმოაჩინეს მთელი დიპლომატიური მიწერ - მოწერები სხვა და სხვა სახელმწიფოთა შორის, კომერცი-

ული და საბანკო ანგარიშები, კერძო წერილები, სახელმძღვანელოები სკოლებისთვის, ლიტერატურული და მეცნიერული ნაწარმოები და სხვა და სხვა, — და გაკვირვებულ მკვლევართა წინაშე აღსდგნენ სრულიად უცნობი სახელმწიფოები, ერები, ენები, რომელთანაც — ზოგთან მაინც — თურმე მოსატანი არაა ბევრი მანამდე ცნობილი ხალხი და სახელმწიფო. ეს ახლად აღმოჩენილი ქვეყნები თურმე უდიდეს როლს თამაშობდნენ ისტორიაში და მათ ამბებს მჭევრმეტყველურად მოგვითხრობენ მათი ნაშენების ნაშთები, სამკაულები, ჭურჭლები, იარაღები, და სხვა ნივთები და განსაკუთრებით კი უამრავი ტაბლეტები, რომლებიც მათვის ქალაქის და წიგნის მთავი იყო. ეს ტაბლეტები კეთდებოდა სუფთა თიხისაგან, რომელსაც კარგად მოზელავდნენ და მისცემდნენ პატარა დაფის სახეს. ვიდრე რბილი იყო, დასწერდნენ, რაც უნდოდათ და მერმე ან მზეზე გაახმობდნენ, ან გამოწვავდნენ ცეცხლში. ხშირად კონვერტიც სდებდნენ, რომ უკეთესად შენახულიყო. ტაბლეტი ქვაზე მაგარი და მისი წყალობითაა შემთავრესად, რომ შენახული იქმნა უძველეს დროის ცივილიზაცია. გათხრები ჯერ მხოლოდ დაწყებულია. ერთი ამერიკელი მკვლევარი ამბობს, რომ მარტო ერთი პროცენტია გათხრილი და ამოჩენილი, რაც მიწაშია დამარხული, და რა უთვალავი მასალა გადაიშლება კაცობრიობის წინაშე, როცა გათხრები დასრულდება და მეცნიერებს ხელთ ექნებათ დღეს მიწაში დამალული დოკუმენტაცია! ისიც, რაც ამოღებულია და წაკითხული, ისეთს დეტალურ სურათებს იძლევა ყოველდღიურ ცხოვრებისას, რომ მსგავსი არაფერი მოიპოვება თვით ბერძნების და რომაელების შესახებ, რომელთაც მდიდარი ლიტერატურა დაგვიტოვეს. ცნობილი ფრანგი ორიენტალისტი **Contenau** ამბობს: ჩვენ საფრანგეთის საშუალო საუკუნოების გლეხების შესახებ უფრო ნაკლები ვიცით, ვიდრე მესოპოტამიის მიწის მუშის შესახებ ხუთი ათასი წლის წინადო.

ვინ არიან ეს ახლად მკვდრითით აღმდგარი ხალხები

წინააზიისა, რომელთა სახელები ჯერ კიდევ სრული სისწორით არაა დადგენილი? ესენი არიან ელამი, სუმერი თუ შუმერი, ჰური თუ ხური თუ გური, მიტანი, ხეთი თუ ხათი, ურარტუ, კასხი, კასკი, მუსკი, თუ მუმუკი თუ მუსხი, მეშეხი, ფრიგია, ლიდია, რომელნიც იყვნენ მთავარი მომქმედნი წინააზიის უძველეს წარსულში და რომელთა ცივილიზაცია დაედგა საფუძვლად მთელ მერმინდელ ცივილიზაციას მთელ წინააზიაში, მთელ მედიტერანეში, მთელ დასავლეთში. დასახელებული სახელმწიფოთა ხალხები არც ერთი არ ეკუთვნის არც სემიტებს, არც არიელებს (ინდოევროპიელებს). ყველა ერთი სხვა განსაკუთრებული ოჯახის წევრია.



ვიდრე მათ თავგადასავალს და შემოქმედებას შევხებოდით, წინასწარ თვალი გადავაგლოთ წინააზიის ზოგად გეოგრაფიულ მოხაზულობას. წინააზია ცოტა უსწორმასწორო ოთხკუთხედად რომ წარმოვიდგინოთ, მის ოთხსავე კუთხეში ვხედავთ ზღვებს: აი სამხრეთ - აღმოსავლეთით სპარსეთის ყურე, რომელიც შტოა ინდოეთის ოკეანის; ზევით ჩრდილო-აღმოსავლეთით კასპიის ან პირკანის ზღვა; ჩრდილო - დასავლეთით შავი ზღვა, რომელიც უერთდება ხმელთაშუა ზღვას, ეს უკანასკნელი

საზღვრავს წ. აზიის დასავლეთს ეგვიპტემდის, რომელიც ისტორიულად აგრე ვსთქვათ დამატებაა წ. აზიის. ქვევით კიდევ მეწამური ზღვაა, სპარსეთის ყურეს პარალელურად და ამასავით ინდოეთის ოკეანეს შტო. დავიმახსოვროთ ამასთან ორი დიდი ტბა ჩრდილო-აღმოსავლეთით ურმია და ვანი. მთავარი მდინარეებია ტიგრი და ეფრატი, რომლებიც ერთვიან სპარსეთის ყურეს, კერკა — შეერთვის იმავე სპარსეთის ყურეს ტიგრ-ეფრატის შესართავის ქვემოთ; არაქსი და მტკვარი — შედიან კასპიის ზღვაში, ქოროხი და ლალისი — შედიან შავ ზღვაში, ოროტი — სირიაში და იორდანე — პალესტინაში. საერთოდ მდინარეთა რაოდენობა საკმაოა, ხოლო მათი ნაპირები მეტწილად კლდოვანია და ჩავარდნილი. ნიადაგი საზოგადოთ მთიანია ზეგანებით (პლატოებით), მხოლოდ ტიგრის და ეფრატის ნაპირები შუა ადგილიდან წარმოადგენენ სამხრეთისკენ ოდნავ დაქანებულს ველს. მთავარი მთებია: ტიგრის აღმოსავლეთით ზაგროსი, რომლის გადაღმა გადაჭიმულია ირანის პლატო, ჩრდილოეთით სომხეთის მთები და ელბრუსი კასპიის ზღვის სამხრეთ ნაპირის ახლო, მერმე კავკასიონის ქედი, დასავლეთით ტავრი და ანტიტავრი და ქვევით სირიაში ლიბანი და ანტილიბანი. სულ დაბლა წ. აზიას საზღვრავს ჯერ სირიის და შემდეგ არაბეთის უდაბურები.

უძველესი მოსახლეობა წ. აზიისა — არქეოლოგიურ-ისტორიულ მეცნიერების დღევანდელი მდგომარეობის მიხედვით — იყვნენ სუმერელები და ელამელები. ზოგის აზრით ელამის ცივილიზაცია უფრო ადრინდელია სუმერისაზე. ხოლო რადგან სუმერის ისტორიული მნიშვნელობა გაცილებით აღემატება ელამისას, ამიტომ დავიწყით სუმერის ამბებით.

სუმერი მდებარეობდა სპარსეთის ყურესთან ტიგრის და ეფრატის ნაპირებზე, იმ ადგილამდე, სადაც ეს ორი მდინარე ძალიან უახლოვდება ერთ-მეორეს. ეს ტერიტორია დაახლოვებით ახლანდელი ბელგიის ოდენა იყო. ეხლა ტიგრი და ეფრატი ერთდებიან და ისე შედიან



ზღვაში. ასე არ იყო 6 - 7 ათასი წლის წინააღმდეგ ქრისტემდე. სპარსეთის ყურე გაცილებით შორს იყო გამოწეული ჩრდილოეთისკენ, დაახლოებით 250 კილომეტრით აწინდელი შესართავიდან. ტიგრმა და ევრატმა აღიდებინა დროს ჩამოტანილ ნალექით თანდათან მოსილეს ზღვა. ჯერ გაჩნდა ქაობები, და მერე მთლად გაშრა მიწა. რადგან ეს ნიადაგი შეტად ნაყოფიერი იყო, მას მოაწყდა აქეთ - იქიდან ხალხი. ჩრდილო მხარეს დასახლდნენ სემიტები და ამას ეწოდებოდა აკადი ან აგადე. სამხრეთი ნაწილი დაიკავეს სუმერელებმა. საიდან მოვიდნენ, არ იცოდა; ფიქრობენ, მთიან ადგილებიდან უნდა იყვნენ, რადგან მთიელთა ზოგი ჩვეულება ჰქონდათ შერჩენილი. სუმერი შესდგებოდა რამდენიმე სახელმწიფოსაგან — თითოეული შემოკრებული იყო დიდი ქალაქის გარშემო, როგორც იყო ერიდუ, ურ, ურუკ, ლაგაშ და სხ. ქალაქები — სახელმწიფოები ერთმანეთს ეჯიბრებოდნენ, ხან ერთი იყო პირველი, ხან მეორე. საში ათასი წლის წინააღმდეგ ქრისტემდე პირველობა ეკავა ლაგაშს, რომლის მეფემ ვანატუმ დაიმორჩილა მეზობელი სახელმწიფოები და სხვებსაც შეესია სუმერის გარედ. შემდეგ საუკუნეში აქ ვხედავთ მეფედ ურუკაგინას, რომელმაც სახელი გაითქვა თავის მეტად დემოკრატიული რეფორმებით და თავგასულ სამღვდელოების აღსამგვით. იგი დაამარცხა ქალაქ უშბას მეფემ ლუგალ - ზავისიმ, რომელმაც გააერთიანა მთელი სუმერი, დაიპყრო სხვა მხარეებიც სპარსეთის ყურედან ხმელთაშუა ზღვამდე და შექმნა პირველი იმპერია მესოპოტამიაში.

როგორც ზევით მოვიხსენიეთ, სუმერის ჩრდილოეთით ცხოვრობდნენ აკადელები — სემიტები. მათთან სუმერელებს თავიდანვე შეტაკებები ჰქონდათ და რადგან აკადელები კულტურით დაბლა იყვნენ, სუმერელებს ისინი დამორჩილებული ყავდათ — პოლიტიკურად და კულტურულადაც. ხოლო აკადელები თანდათან მოღონიერდნენ, თვით სუმერშიც ჩამოთესლდნენ და მესამე ათასწლეულის შუაში აკადის მეფემ შარუკენმა (სარგონმა) დაიპ-

ყოფილი სუმერი. ეს აკადელების ბატონობა გაგრძელდა ორ საუკუნეს, რომლის შემდეგ სუმერელებმა ისევ აღადგინეს თავისი დამოუკიდებლობა. აღორძინებულ სუმერს ჯერ ხელმძღვანელობდა ქალაქი ურუკ, მეფე უტუ - ჰეგალის მეთაურობით და შემდეგ ხელმძღვანელობა აიღო ქალ. ურმა. ურის სიძლიერის დამაარსებელი იყო მეფე ურ-ნამუ თუ ურ-ენგურ. მან შექმნა მაგარი ცენტრალიზური სახელმწიფო, კარგად გაწრთვნილი და მოწყობილი ადმინისტრაციით. იმპერიამ უმაღლეს ხარისხს მიაღწია მისი შვილის დუნგის თუ შულგის დროს. ეს იყო ხანა დიდი ეკონომიური წარმატების და კულტურული აყვავების. მესამე ათასეული წლის ბოლოში, ბარბაროსული ტომები, რომელთაგან სუმერი ყოველთვის მხნედ იცავდა თავის ცივილიზაციას, უფრო და უფრო აძლიერებენ თავდასხმებს. აკადელებს ზევიდან (ჩრდილოეთიდან) დაერთვიან ახალი სემიტები, ამორელები, ბაბილონის გარშემო. აკადელები და ამორელები საბოლოოდ დაამხოვნენ სუმერს. მის სიმდიდრეს, მის ცივილიზაციას, მის პანთეონს, ლიტერატურას, ხელოვნებას დაეპატრონება ახალი იმპერია ბაბილონეთისა, რომელსაც სახელი გაუთქვა პირველად მეფე ჰამურაბმა მეოცე საუკუნეში, რომლის საკანონმდებლო კოდექსი აღმოაჩინეს ამ საუკუნის დასაწყისში.

დასრულდა სუმერელების სახელმწიფოებრივი არსებობა, მაგრამ არ დასრულებულა მათი ცივილიზაცია. ისტორიისათვის ფასი არა აქვს ომებს და მათ მიერ გამოწვეულ ხოცვა-ჟლეტას და დანგრევებს, მოხდება ეს პირველყოფილი იარაღით თუ ატომური ყუმბარებით. მისთვის მარტო ისაა ძვირფასი, თუ ვინ რა შესძინა კაცობრიობის ცხოვრების გაუმჯობესობას და გალამაზებას. ისტორიკოსები სქემატიურად ასე აღწერს სუმერელების დამსახურებას: მათ პირველებმა შექმნეს სახელმწიფო, გაიყვანეს სარწყავი არხები, შემოიღეს ოქროს და ვერცხლის ხმარება ღირებულობის საზომად, სავაჭრო ხელშეკრულებანი, სისტემა კრედიტისა, პირვე-

ლებმა შექმნეს საკანონო კოდექსები, დამწერლობა, პირველებმა მოგვცეს აღწერა ქვეყნის შექმნის და წარღვნის, ბიბლიოთეკები, სკოლები, ლიტერატურა, ქანდაკებები, ბარელიეფები, სასახლეები, ტაძრები, თალი, კამარა და გუმბათი და სხვა. თითოეული აქ მოხსენებულ გამოგონება მთელი ეპოქა ადამიანის წარმატების ისტორიაში.

სუმერული სახელმწიფო ცენტრალიზურია, კარგად გამართული ბიუროკრატიული აპარატით. მეფე, ღვთაების წარმომადგენელია და უმაღლესი მღვდელმთავარი. ამ დროიდანაა მთელ ქვეყანაზე ყველა მეფის ტიტულში ხმარებული „ნებითა ღვთისათა“. მეფეს ჰყავს გაწოთენილი ჯარი და იმ დროისთვის საუკეთესოდ შეიარაღებული. მემორებს აცვიათ მოკლე ტანსაცმელი მუხლებამდის და წამოსასხამი ჩვენებური ნაბადის მსგავსი. თავზე ხურავთ სპილენძის ქუდი, რომელიც ჰვარავს კისერს და ჯურსაც. სუმერის მეფეების ღირსებისათვის უნდა ითქვას, რომ მაშინ როდესაც ასურეთის მეფეები ტრახანობენ თავიანთ ძეგლებზე: ამდენი და ამდენი ქალაქი დავანგრიე და დავწვი, ამდენი მტერი დავატყვევე, ამდენს თავები დავსჭერი, — სუმერის მეფეები თავიანთ დოკუმენტებში იმას აღნიშნავენ, რომ ავაშენე ტაძრები, გავიყვანე არხები, გამოვეცი კანონთა კოდექსი, დავამყარე წესი და სამართალი, ხალხს შევუმსუბუქე ტვირთი, მღვდლებს ავუქრძალე შეავიწროვონ ქვრივ-ობოლნი და მიცვალებულის წესის აგებისთვის გადასახადი ხუთჯერ შევამცირეთ და სხვა.

სუმერის მკვიდრი დაყოფილი არიან შემდეგ კლასებად: თავში კეთილშობილთა წოდებაა — მონღელები, სამღვდლოება და რეგულიარული არმიის ჯარისკაცები. მათ ქვევით არიან ვაჭრები, ხელოსნები, მასწავლებლები, მიწათმოქმედნი. უკანასკნელ საფეხურზე იღვწენ მონები. კეთილშობილთა სისხლი უფრო ძვირად ღირდა. მაგრამ თუ კეთილშობილი რასმე დააშავებდა, მას მეტი სასჯელი ედებოდა, ვიდრე მეორე წოდებისას. მონა

თუმცა პატრონის საკუთრებაა, მაგრამ მთლიანად უფულო-  
ბო არაა — შეუძლია მოწმედ გამოვიდეს, საკუთრება  
ჰქონდეს, ისესხოს, სავაჭრო ვალდებულობა იკისროს,  
თავისუფლება გასმოიყიდოს. თუ თავისუფალი საყვარ-  
ლად აიყვანდა მონას და შვილები ეყოლებოდა, მონას  
ვეღარ გაყიდდა უკვე და მისი სიკვდილის შემდეგ ქალიც  
და შვილებიც თავისუფალნი ხდებოდნენ. თუ თავისუფა-  
ლი ქალი მონაზე გათხოვდებოდა (და ეს სრულებით სა-  
მარცხვინოდ არ ითვლებოდა), შვილები თავისუფლები  
იყვნენ.

სუმერში დამყარებული იყო ერთჯილდისანობა. დაქო-  
რწინება ხდებოდა ხელშეკრულობის დადებით. ოჯახის  
საქმეებს ცოლ-ქმარი განაგებენ თანაბარი უფლებით.  
ცოლს შეუძლია საკუთარი მონები ჰყავდეს. ქალის მა-  
ლალ მდგომარეობას არ ეგუებოდა მხოლოდ ის, რომ,  
ზოგიერთს შემთხვევაში, ქმარს შეეძლო ვალის გასასტუ-  
მრებლად ცოლის მონად გაყიდვა დროებით (სამ წლამ-  
დის).

ყველა აქტი საზოგადოებრივი ცხოვრებისა — ყიდვა  
გაყიდვა, დაქირავება, ვაცვლა, ჩუქება, დაქორწინება,  
შვილობა, განქორწინება, ანდერძი და სხვა ატყობილ-  
ლად წერილობით უნდა შესრულებულიყო, მხარეების  
და მოწმეების ხელისმოწერით (პირადი ბეჭდის დაკე-  
რით). აქ უნდა გავიხსენოთ, რომ ინგლისში მხოლოდ  
მე-17 ს. ბოლოს იყო შემოღებული ყიდვა-გაყიდვის და  
მსგავსი აქტის წერილობით შესრულება. დავისა და სა-  
ჩივრის განსახილველად დაინტერესებული მხარე ჯერ  
„მომრიგებელ მოხელეს“ მიმართავდა და თუ უკანასკნე-  
ლი ვერ მოაგვარებდა, საქმე გადადიოდა რეგულიარულ  
სასამართლოში, რომელიც შესდგებოდა 3-5 წევრისა-  
გან. განაჩენი, რომელსაც წინ უძღოდა მოკლე პროტო-  
კოლი, უნდა წერილობით ყოფილიყო და ის ინახებოდა  
არქივში. საქმის გასაჩივრება შეიძლებოდა უმაღლეს სა-  
მსაჯულოში.

ცხოვრების ქონებრივი წყარო იყო სოფლის მეურნე-

ობა და ხელოსნობა, ვაჭრობა. ყანები წესიერად ირწყვებოდა მრავლად გაყვანილ არხებით, რომელთა სარგებლობა განწესებული იყო კანონით. პური და ქერი უხვად მოდიოდა. პური, ქერი, მრავალი ხეხილი სუმერიდან მერე სხვაგანაა გადასული. დიდი წილი მიწებისა მეფეს და ტაძრებს ეკუთვნოდა, იყო ცოტა საზოგადო მფლობელობა მთელი სოფლის, მაგრამ საერთოდ გავრცელებული იყო კერძო საკუთრება. მესაკუთრე თუ სესხს აიღებდა თავის მიწის დასამუშავებლად, მოსავლის მოწევამდე სესხს ვერ მოთხოვდნენ. თუ მოსავალი ცუდი იყო პატრონის უმიზეზოდ, სარგებელს არ იხდიდა ხეხილიან ბაღის მჭირავებელი იხდიდა მოსავლის ორ მესამედს. თუ დაჭირავებულ მიწაზე ვინმე თვითონ გააშენებდა ხეხილს, მხოლოდ მეხუთე წელს იხდიდა ჭირას. მკაცრად აკრძალული იყო ნიადაგის დაუმუშავებლად დატოვება.

წარმოება ძველ დროში საერთოდ არ იყო განვითარებული — ყველა თვითონ იკმაყოფილებდა თავის საჭიროებას. მაგრამ სუმერში ხელოსნობა — სამკაულების, ქურჭლების, იარაღების — საკმაოდ დაწინაურებული იყო. განსაკუთრებით ფართო ადგილი ეკავა ქსოვილობას და ქარგვას, მაუდის მანუფაქტურას, რომელიც უმთავრესად ტაძრების ხელოში იყო. ამისათვის მრავალი ქალი მუშაობდა ტაძრების ქარხნებში. ტაძრები საზოგადოდ ეკონომიური ცხოვრების დიდი ცენტრები იყვნენ — მათ ჰქონდათ მრავალი მიწა, ღებულობდნენ დიდს შემოწირულობას, აწარმოებდნენ გაცვლა-გამოცვლას და ვაჭრობას, ფულსაც იძლეოდნენ სესხად. ამიტომაც ტაძრებში მწერალთა მთელი კანცელარია ასრებობდა, რომელიც ყველაფერს ანგარიშობდა, ჩასწერდა, ალაგებდა.

სუმერლებს ფართო ვაჭრობა ჰქონდათ მეზობელ და შორეულ ქვეყნებთან. კარგად გამართულ გზებით, მდინარებით, ზღვით გაჰქონდათ თავისი ნაწარმოები ინდოეთში, კაბადოკიაში, ეგვიპტეში, სირიაში, ელამში და სხვაგან. მათი სავაჭრო აგენტურები გაფანტული იყო შრავალგან. გარედან შემოქონდა სუმერს ნედლი მა-

სალა თავის წარმოებისათვის: სპილენძი ომანიდან და კავკასიიდან, ვერცხლი კოლოკიიდან და ელამიდან, ოქრო ელამიდან, სირიიდან და კაპადაკიიდან. უცხოეთში იძენდა აგრედვე ქვას, ასფალტს, ხე - ტყეს.

სესხისათვის კანონით დაწესებული იყო სარგებელი ხორბალზე და საზოგადოთ მარცვლეულზე 33 1/3 პროცენტი, ხოლო ფულზე 20%.

სწავლა - განათლების ცენტრები იყო ტაძრები. იქ გამართულ სკოლებში პირველი ყურადღება მიქცეული ქონდა წერა - კითხვის შესწავლას, რომელიც არც ისე ადვილი იყო, ლურსმული წერის ნიშნების სიმრავლის გამო. წერა - კითხვის მცოდნეს დიდი ფასი ქონდა. ქალაქებში, ნამეტურ სავაჭრო ადგილებში, ქალაქის შესავალ კარებში მწერლები ვამზადებულნი იყვნენ ახლად გაკეთებულ ტაბლეტებით, მსურველებისათვის საჭირო აქტის შესაღვე ნად. (ქალაქის ან სასახლის კარი წარმოადგენდა საკმაოდ გრძელ და ფართო გალერეას, ოთახებით, დარბაზით. ეს იყო მთავარი ადგილი შესახვედრად, სხვა და სხვა საქმის გასაკეთებლად, საჩივრების განსახილველად\*). სკოლებში წერის ვარდა ასწავლიდნენ გრამატიკას და არითმეტიკას. სუმერში თვლა ემყარებოდა 6 და 60 და ამის კვალი ჩვენამდის არის დარჩენილი: წელიწადის 12 თვედ და დღე-ღამის 12+12 საათად, საათის 60 წამად და წამის 60 წუთად დაყოფა. ასევე წრეს რომ 360 გრადუსად ვყოფთ, ესეც სუმერის ნაანდერძეია. სუმერელებს ქონდათ ციფრებისთვის განსაკუთრებული ნიშნები, რომელთა მნიშვნელობა იცვლებოდა იმის მიხედვით, თუ რა ადგილი ეკავათ საერთო რიცხვში, როგორც ესაა, აგრეწოდებულ არაბულ ციფრებში. ასეთი იყო პირველდაწყებითი სწავლა. თუ ვინმე მეტს მოისურვებდა, უნდა შეესწავლა გეომეტრია, ალგებრა, ასტრონომია, მედიცინა. ყველა იმ

\* ) აქედან მოდის ქართული კარისკაცი, სამეფო კარი. კარის გარიგება: „ჭყონდიდელი ორშაბათს სააჯო კარსა დაჯდების“...

ცოდნას სუმერელებმა დაუდევს საფუძველი და მაგალ-  
მედიცინაში მათ უკვე იცოდნენ ზოგიერთი ტკივილის  
წამალი, რომელსაც დღეს ვხმარობთ. საგულისხმიეროა  
სუმერის კანონმდებლობა ქირურგიული ოპერაციების  
შესახებ: თუ აჭიმი ცუდად გააკეთებდა ოპერაციას და  
ავადმყოფს ვნებას მიაყენებდა, მძიმე სასჯელი მოელოდა.

სკოლების გარდა ტაძრებთან და სასახლეებში არსე-  
ბობდა ბიბლიოთეკები.

ასეთს კულტურულ ხალხს, ცხადია, განვითარებული  
მწერლობა ჰქონდა. ორი ათასის წლის წინად ქრისტემდე,  
როცა აშკარა გახდა; რომ სუმერის ეროვნულ - პოლიტი-  
კური არსებობა გათავებული იყო თუ თავდებოდა, სუმე-  
რელმა მწიგნობრებმა გამოიჩინეს არაჩვეულებრივი აქ-  
ტივობა, თავი მოუყარეს და ჩასწერეს ყველა ისტორიუ-  
ლი გადმოცემები, ფაქტები, ლეგენდები, პოეტური ნა-  
წარმოები, ეპოსები, ლექსები, ლოცვები. სუმერელების  
რელიგიური ლიტერატურა თავის სიფრცით და მრავალ-  
ფეროვნებით არ ჩამოუვარდება არც ერთი ძველი დრო-  
ის ლიტერატურას, ამბობს ჩიკაგოს უნივერს. პროფესორი  
**Chiera**. მათ ეკუთვნის პირველი ეპოსი კაცობრიობის  
ლიტერატურაში. ესაა გილგამეში, რომელიც უძველეს  
დროსვე იყო გადაღებული სხვა ენებზე (ბაბილონურზე,  
ხეთურზე, ჰურულზე). სუმერის ლეგენდები ქვეყნის და  
ადამიანის შექმნის, წარღვნის და ნოეს კიდობნის, სამო-  
თხე და ხე ცნობიერების, იობის ამბავი, ფსალმუნი, ყვე-  
ლამ იცის და ეს შეტანილია ბიბლიაში. სუმერელების-  
თვის უცხო არ იყო ფილოსოფია და მათთვის უკვე იდგა  
ის ფილოსოფიური საკითხები, რომლებიც შემდეგ იპყ-  
რობდნენ ბერძენთა გონებას და იმავე **Chiera**-ს სიტყვით,  
როცა ტაბლეტების შინაარსი სავსებით გადაიშლია  
ჩვენს წინაშე, ჩვენ დავინახავთ ბევრს საკვირველებას—  
იმას, რომ ბერძნული ფილოსოფიის სათავე სუმერში  
იყო.

ჩვენ უკვე მოვიხსენიეთ ბაბილონის მეფის ჰამურაბის  
კოდექსი. სუმერელებს ჰქონდათ არა ერთი და ორი

დექსი, სამწუხაროდ ჩვენამდე არ შენახულა, ყოველ შემთხვევაში ჯერ არსადაა აღმოჩენილი. ჰამბურგის კოდექსი ეს წმინდა სუმერული კანონების კრებულია, შეტანილია მცირეოდენი ცვლილება, მაგალითად ზოგიერთი დანაშაულისათვის უფრო მკაცრია სასჯელი, ვიდრე სუმერელებს ჰქონდათ და მაგალითად თუ გაპარული მონის დამალვისათვის ჰამბურგის სიკვდილით დასჯას აწესებს, სუმერის კანონით მხოლოდ ჯარიმა იყო დადგენილი.

სუმერულმა ხელოვნებამ ჯერ კიდევ მესამე ათასეულის წლებში ქრისტემდე მიაღწია ისეთს საფეხურს, რომელსაც იშვიათად თუ შეეძრება სხვა რომელიმე ძველი ხელოვნება. ქანდაკება, ბარელიეფი სპილენძისაგან, კედლების მოხატულობა, ლითონის მოხერხებული მოხმარება მოსართავ-მოსაკაზმავად გაცილებით უსწრობს ეგვიპტურს. სუმერული მხატვრის ხელი ისე დახელოვნებულია, როგორც ბერძნის. მას ახასიათებს ფერების საუცხოვო შერჩევა, სწორი მოხაზულობის გემოვნება, მასალის შეცნობა, სხვა და სხვა ნივთიერების საუკეთესოდ შეერთება, ჰარმონია. განსაკუთრებით ეხერხებოდათ სუმერელებს ცხოველების გამოქანდაკება, ცნობილია ვერცხლისაგან გამოქანდაკებული თავი ძროხისა, იშვიათის გამომეტყველობის.

დასასრულ რამდენიმე სიტყვა სუმერის სარწმუნოებისათვის. ეს სარწმუნოება პირველად წარმოადგენდა მთების, ტყეების, მდინარეების თაყვანისცემას. მერმე ცხოველები ხდებოდათ ღმერთებად, რომელთაც ხშირად ნახევარ ადამიანის და ნახევარ ცხოველის სახე აქვთ. ბოლოს ღმერთები ადამიანურ სახეებით ფეველინებიან. სუმერის პანთეონი ჯერ ნათლად დალაგებული არაა, ნათლად გაკვეთული არაა ღმერთების ურთიერთობა. მაინც დღესაც შეგვიძლია ზოგიერთის განსაზღვრა: უფროსი ღმერთი ანუ—უფალი ცისა, ცხოვრობს ზეცაში, სადაც იღებს სხვა ღმერთებს; ენლილ—ბრძანებელი ქარიშხლის და გამგებელი კაცთა ბედის, მას ყავს ცოლად ნინ-



**ლილ**; ადად—ლმერთი ქუხილის და წვიმის, **ენკი**—უფალი წყალთა, წარმოების, სიბრძნის; **სინ**—ლმერთი მთვარის, უფალი დროის; **შამაშ**—ლმერთი მზის, სამართლის (აპოლონის წინაპარია); **ნერგალ**—ლმერთი მიცვალებულთა, უფალი საიქიოს—არალუს; **ნინურტა**—ლმერთი ომის (მან შესცვალა ძველი ლმერთი ნინ-გირსუ); ნინურტას ცოლის **გულა**, უფალი აქიმობის (მან შესცვალა ნინ-გირსუს მეუღლე ბაბუ ან ბაბა). სუმერის პანთეონში შერმე და შერმე ყველა ქალ-ლმერთის თვისებები თავს იყრის ერთ დიდ ქალ-ლმერთში; ესაა დიდი დედა ლმერთი, **დედამიწა—ნანა, ინნინ, ინანნა**, რომელსაც სემიტებმა დაარქვეს ასტარტა ან იშტარ.

სუმერულმა გენიამ შექმნა და განავითარა ეს ცივილიზაცია, რომელიც ცოცხლობდა 1500 წელიწადს მისი შემოქმედების პოლიტიკური არსებობის გაქრობის შემდეგაც. ბაბილონეთში წირვა-ლოცვა და სასამართლოში საქმის წარმოება სუმერულად იყო დიდხანს. ეს ცივილიზაცია მიწვდა ინდუსის მდინარემდე და მთელი მცირე აზიას და სხვა ქვეყნებსაც და მისი კვალი დღემოდის წაუშლელია. გამოჩენილი ამერიკელი მკვლევარი **L. Voolley**, რომელმაც პირადად აწარმოვა გათხრები სუმერში და ზედმიწევნით შეისწავლა მრავალი ძველი და დოკუმენტი, ამბობს, რომ ჩვენ აღარ ვცხოვრობთ იმ დროში, როცა გვიმტკიცებდენ, რომ ყოველი ცოდნა და ხელოვნება საბერძნეთიდანაა, ჩვენ გავიგეთ უკვე, რომ საბერძნეთის გენიამ თავისი ძალა მოიღო ლიდიელებისა, ხეთელებისა, ფინიკიელებისა და კრიტელებისაგან, ეგვიპტესა და ბაბილონეთისაგან, ხოლო დასაბამი წყარო უფრო შორსაა—სუმერში. და **Voolley** თავის წიგნს სუმერელების შესახებ ასე ათავებს: „სამხედრო მოპოვება სუმერელების, ხელოვნება და ხელოსნობა, რომელიც მათ ისე მალლა ასწიეს, მათი სოციალური ორგანიზაცია და ზნეობრივი და სარწმუნოებრივი მცნებანი არ არიან გარიყული მოვლენები, რაღაც არქეოლოგიური ცნობისმოყვარეობის საგნები. ჩვენი საკუთარი არსე-

ბის დიდი წილი სუმერელებისაგანაა, ისინი არიან ჩვენის სულთიერი წინაპრები, და ამიტომ ღირსნი არიან შესწავლისა და ღრმა პატივისცემისა ჩვენგან“.

სუმერის აღმოსავლეთით მდებარეობდა ელამი, რომელსაც ეკავა სამხრეთ - დასავლეთი, ნაწილი დღევანდელი ირანისა, ქალაქ სუზით. ელამმა ჩაუდგა საფუძველი მიდიელების და სპარსელების ცივილიზაციას. მისი შეფეების პირველ დინასტიას ვხედავთ დაახლოებით 2670 წლიდან ქრისტემდე. მისი ცხოვრება გადაბმულია სუმერის და აკადის და მერმე ბაბილონ - ასურეთის ისტორიასთან. თავის მეზობელ და მონათესავე ტომებთან ერთად ელამელები თავს ესხმიან მესოპოტამიას, ხან იმარჯვებენ, ხან დამარცხებულნი სხვისი მორჩილნი ხდებიან. დიდად წარმატებულთა ელამი მე-12 ს. მას უკავია ტერიტორია ქვემო ტიგრიდან პერსეპოლისამდე და წარმოადგენს კარგად გაწყობილს მდიდარს სახელმწიფოს, მშვენიერი სასახლეებით და ტაძრებით. შემდეგ ბაბილონეთი დაიმორჩილებს, მაგრამ კვლავ მოიპოვებს დამოუკიდებლობას და საბოლოოდ მარცხდება და გაქრება მე-7-ე საუკუნეში, როცა მიდიელთა გამოსვლა მოხდება.

ელამში წარმოებული გათხრები, ნაშთები ნაშენებისა, ნაპოვნი ნივთები და მრავალი ტაბლეტი, ნათლად მოწმობენ, რომ იქ დაწინაურებული ცხოვრება იყო კარგი მრეწველობით. ელამი არსებობდა ორი ათას წელზე მეტს და თუმცა განიცადა დიდი გავლენა სუმერის, აკადის და მერმე ბაბილონეთის, მაგრამ თავისებური, საკუთარი ხასიათი შეინარჩუნა ბოლომდის. სუმერელებისაგან გადმოღებული წერის სისტემაში შეიტანა ორიგინალური ცვლილებანი და თავის პოლიტიკურ ორგანიზაციაში დაამყარა ისეთი წესი, რომ სამეფო პირს ჯერ დაბალ სამსახურში უნდა დაემტკიცებია თავისი უნარი და მერმე გამხდარიყო მეფე. შენახული დოკუმენტები გვიხატავენ ელამელთა საზოგადოებრივ ცხოვრებას. აი და-

ქორწინება, რომელიც ხდება ორივე მხარის „სრულის ნებით“; აი შეილობის და დაძმობილობის აქტი (ყოველი სამოქალაქო აქტი იწერებოდა, როგორც სუმერში): მამა შვილს თუ შეილობილს უანდერძებს თავის ქონებას და პირობას უდებს, სანამ ცოცხალი ვარ, უნდა მარჩინო და რომ მოგვცდები, საკუთრივ გამიკეთე. დაძმობილების ხელშეკრულებაში აღნუსხულია ძმობილების ქონება და განსაზღვრულია წესი მისი სარგებლობის და მოხმარის. განჩუქების აქტში გამჩუქებელი იწყებს იმით, რომ არის სრულიად ჯანმთელი და შეუძლია თავისუფლად გამოთქვას თავის ნება. ასევე აცხადებენ ყიდვა - გაყიდვის საბუთში, მყიდველიც და გამყიდველიც. თუ მიწა იყიდება, გარკვევით უნდა აღინიშნოს მისი ზომა, მდებარეობა და ის, თუ რა საბუთით აქვს მოპოვებული გამყიდველს; ყოველ შემთხვევაში გამყიდველი გარანტიას იძლევა, რომ პასუხს აგებს, თუ ვინმე მოდავე გამოჩნდა. შეიძლებოდა მიწის ქირავობა, დაკირავება. არის დოკუმენტები სესხის — ვალად იღებდნენ ხორბალს, ფულს. განსაზღვრულ ვადადვე სესხი უსარგებლოა, ხოლო მეტრე დიდი ჯარიმაა დადგენილი. დოკუმენტებში არის ფაცვლა - გამოცვლის აქტები, არსებობდა სავაჭრო ამხანაგობანი. ფულიან კაცს შეეძლო ამხანაგობისთვის გადაეცა ფული, ამხანაგობა აწარმოებდა მას რამე საქმეში, რომლის შესრულების შემდეგ ფულს უბრუნებდა პატრონს და ზედ მოგებასაც დაურთავდა. სასამართლო საქმეები ირჩევოდა ან არჩეულ მოსამართლეების — მედიატორების მიერ ან სახელმწიფო მსაჯულის მიერ. მოწმეებად გამოდიოდნენ ქალებიც.

რამდენად დიდი ფასი ჰქონდა თავის დროს ელამს და მის კულტურას, ამას სხვათა შორის ის ადასტურებს, რომ ახემენიდები თავის ძეგლებზე წარწერებს სამს ენაზე აკეთებინებდნენ — სპარსულსა, ელამურსა და ბაბილონურზე (ბაბილონური მაშინ საერთაშორისო დიპლომატიური ენა იყო).

ელამის ზემოდ, ზაგროსის მთებში ცხოვრობდნენ კასხები, კასიტები, კოსეელები, ბერძნების კოსაიოი, ელა-

მეღობის კუსხი, ბაბილონელების კასხუ. ისტორიულ ქარტებზე, კასხების მოსახლეობა აღნიშნულია ორ ალსაგას: ერთი ელამთან, დღევანდელ ბაღდადის პარალელურად აღმოსვლეთით, მეორე უფრო ზევით, ურმიის ტბისკენ. ეტყობა კასხების მოსახლეობა ფართოდ ყოფილა გაშლილი. ევროპელების მუშაობას კასხების საკითხში ძალიან აბრკოლებს ის გარემოება, რომ სრულებით წარმოდგენა არა აქვთ საქართველოსა და მის ისტორიაზე, არ იციან, რომ დღემდის არის დარჩენილი ნაშთი კასხების კახეთში. ასევეა მუსხების თუ მესხების საკითხში.

კასხების სახელი პირველად გვხვდება 21½ ათას წლის წინად ქრისტემდე, ერთი ელამური დოკუმენტი ამბობს, მეფე პუზურ - შუშინაკმა დაიმორჩილა კასხებიო. მეორე ისინი გამოჩნდებიან 1953 წ., როცა მოინდომეს ბაბილონეთის დამორჩილება, მაგრამ დამარცხდნენ. ხოლო ამის შემდეგ ნელ - ნელა დაიწყეს შემოხიზნება ბაბილონეთში და 1750 წ. მეორედ შეუტიეს ბაბილონეთს, დაიპყრეს და ბატონობდნენ იქ 1171 წლამდის. ბაბილონეთის სახელი გამოუცვალეს და დაარქვეს კარდუნიახ, კალდუ, ქალდე. ისტორიკოსები ამბობენ, რომ კასხები ბარბაროსები იყვნენ, ჯეროვნად ვერ შეიგუეს დაპყრობილთა მაღალი კულტურა და მათ დროს ცენტრალური ხელისუფლება შესუსტდაო. ის კია, რომ კასხებმა ბაბილონელებს ასწავლეს პირველად ცხენი (მანამდე მხოლოდ ვირი იყო იქ) და აგრეთვე სამხედრო ეტლი. შესცვალეს აგრეთვე წინანდელი წელთაღრიცხვა და დააწესეს ახალი — ყოველი მეფობიდან იწყებოდა ახალი თვლა წლების, ეს წესი მესამე საუკუნემდის დარჩა. მხატვრულ შემოქმედებაში თვალსაჩინო წარმატება არა სჩანს — შენახულ ძეგლებში მეფეთა ტანსაცმელი საკმაოდ მდიდარია, თავზე ხურავთ ცილინდრული გვირგინი, ფრთებით მორთული.

კასხების ბატონობა ბაბილონეთში გაგრძელდა თითქმის ექვს საუკუნეს. მაგრამ, კასხები ამის შემდეგ არ გამქრალან. მათ მოსახლეობას გარდა ზაგროსის მთებისა, ვხვდავთ სხვაგანაც. ფიქრობენ, რომ მდ. ლალისის მარც-

ზნით მობინადრე გასვას ტომი, რომელიც 14-12 ს. ს. ხშირად ხეთას თავსესხმოდა, იყო კასხები. მე-12 ს. კასხები სჩანან ზემო ეფრატზე და ორი საუკუნის განმავლობაში ომები აქვთ ასურელებთან. მეშვიდე საუკუნიდან, კიმერიელების შემოსევის შემდეგ, ისინი თანდათან ჰქრებიან მცირე აზიაში და გამოჩნდებიან კავკასიაში კოლხების და კასხების სახელით.

კასხების დამხობის შემდეგ ქვემო მესოპოტამიაში, იქ აღსდგა ბაბილონეთის სემიტური სახელმწიფო, რომელიც რამდენიმე საუკუნის მერმე დაიპყრო ძლიერმა ასურეთმა. ზოლო ვიდრე ეს ამბავი მოხდებოდა, მეორე, ათასეულის პირველ საუკუნეში, წინააზიის ისტორიულ სცენაზე გამოვიდნენ ახალი სახელმწიფოები ჰური და მიტანი და განსაკუთრებით ხეთა, რომლებიც იკავებენ პირველ ადგილს.



ჰურების და მიტანების ისტორიული ბედი მეტად გადასკვნილია ერთ-მეორეზე. მათ საბინადროს ეძახდნენ სუბართუს (სუბარეთი) და მკვიდრი ცნობილი არიან საერთო, სუბარების სახელით. ჰურ-მიტანები (სუბარები) ძალიან ძველი ხალხია და მათი კვალი მესამე ათა-

სეულშიც გხვდება. ზოგი იმსახურე ფიქრობს, რომ ვიდრე სუმერები დაბინავდებოდნენ ქვემო მესოპოტამიაში, იქ სუბარები ცხოვრობდნენ. ხოლო საერთაშორისო სარბი-ელზე ჰურ - მიტანები გამოდიან მეორე ათასეულში. მ-შინ მათ ეკავათ ზაგროსის მთებიდან დაწყებული ზემო მესოპოტამია და აღწევდნენ ხმელთაშუა ზღვამდე.

ცნობილი ორიენტალისტი დელაპორტის შედგენილ ისტორიულ ატლასში, ჰურის ტერიტორია მე-17 ს. ნაჩვენებია ფართოდ — შეიცავს პალესტინას, სირიას, ზემო მესოპოტამიას, ვანის და ურმიის რაიონებს და სამხრეთით ჩადის ბაბილონამდე; ასურეთი გარშემორტყმულია სამი მხრით ჰურით, როგორც მცირე ნახევარ კუნძული. ხოლო ამავე ატლასის ჩვენებით, მე-14 ს. ჰურს უპყრია მართო ვანის და ურმიის რაიონები, და მის სამხრეთ დასავლეთით მდებარეობს მიტანი. ორივე ტერიტორიები წინანდელთან შედარებითი მეტად შემცირებულია. ჰური და მიტანი უნდა იყოს ორი შტო ერთი ტომის. ჯერჯერობით კარგად არა სჩანს, ისინი სულ ერთად იყვნენ და მეთაურობა სახელმწიფოში ხან ერთს ეკუთვნოდა და ხან მეორეს, თუ მხოლოდ თავში იყვნენ შეერთებულნი და მერმე განცალკევდნენ, თავთავისი სახელმწიფო შექმნეს. ჰური - მიტანის ისტორია წარმოადგენს ბრძოლებს ეგვიპტესთან, ხეთასთან და ასურეთთან ჰეგემონიისათვის. როგორც უკვე მოვიხსენიეთ, მათი ტერიტორია მე-17 ს. ფართოდაა გადაჭიმული. ასურეთი მათი ვასალია, თუმცა მუდამ ურჩობს. ზემოდან ჩრდილო დასავლეთში მათ საზღვრავს ხეთა, რომელიც ჯერ კიდევ ზრდაშია. ქვევით სირიისა და ქანაანის დაკავებით ჰურ - მიტანი პირდაპირ უმეზობლდება ეგვიპტეს. ეგვიპტე ყველაზე უფრო ძლიერი მტერია და ალბად მისი ალაგმვის მიზნით მოხდა მე-17 ს. დასაწყისში აგრეწოდებული ჰიკსოსების შესევა ეგვიპტეში. ამ ჰიკსოსებს შეადგენდნენ უმთავრესად ქანაანის ნომადური ტომები, ხოლო მათი ხელმძღვანელები და წამმართველები იყვნენ ჰურები. ჰიკსოსებმა დაიპყრეს ნაწილი ეგვიპტისა და იქ ბატონობდნენ საუკუნეზე მეტს.

ფარაონებმა ჰიკოსები რომ ეგვიპტიდან გამოდევნეს, უკან დაედევნენ და შეიჭრენ შორს ჰურ-მიტანის სახელმწიფოში და ომები მრავალ წელს გაგრძელდა. ეგვიპტე ცთილობდა მტრის ცოცხალი ძალის ხელში ჩაგდებას და განადგურებას. მაგრამ ეს ვერ შესძლო. აღსანიშნავია, რომ ამ ომების დროს ხეთა და ასურეთი თანაგრძნობით და ძღვნებით ეგებებოდნენ ეგვიპტის წინსვლას. ომები ბოლოს დაზავებით და დამოყვრებით გათავდა: ზემოსი-ჩრია დარჩა ჰურს - მიტანს, ქვემოსიჩრია ეგვიპტეს. ეს მო-ჩრიგება ორსავე მხარესთვის აუცილებელი იყო. რადგან ეგვიპტესაც და ჰურ - მიტანსაც თანდათან გაძლიერებული ხეთა ემუქრებოდა. ფარაონებმა ტუტმეს IV (1420 - 1405) და ამენოფის III (1405 - 1370) ცოლებად მიტანის მეფეთა ქალები შეირთეს და ეს იყო ჰირველი შემთხვე-ვა, რომ ეგვიპტის დედოფლობა უცხოელებს ეღიროსათ. ფიქრობენ, რომ დედოფალი ნეფერტიტი, რომლის შესა-ნიშნავი ქანდაკება ბერლინის მუზეუმში ინახება, მიტა-ნელია.

მე-14 ს. ჰურ - მიტანის სახელმწიფოს ასუსტებს შინა-ური უთანხმოება და ბრძოლები — ტახტის ორი მემკვი-დრე ერთმანეთს ეცილებიან. დავაში ჩაერევა ხეთის შე-ფე, ერთს ჰურში გაამეფებს და მეორეს მიტანში და ორ-თავესთან კავშირს შეკრავს. ჰურ - მიტანის დასუსტებას გამოიყენებს ასურეთი, რომელიც დამოუკიდებლობას აღიდგენს და ზოგიერთ ადგილებსაც წაართმევს თავის სოფილოს სუზერენს. ამ მხრით უფრო მეტს პრეტენზიას ამჟღავნებს ხეთა, რომელიც ძლიერ გაიზრდება ჰურ - მი-ტანის ხარჯზე. მე-14 ს. ბოლოს ჰურ - მიტანელებს ეკა-რგებათ ყოველი მნიშვნელობა, მათ ხეთელები შეცვლიან.

ჰურ - მიტანი იყო მემკვიდროებით ფეოდალური მონარქია. ზოგი მკვლევარი ფიქრობს, რომ სამეფო გვარი და მმართველი არისტოკრატია, ინდო-ევროპელები იყ-ვნენ. ამას იქიდან დაასკვნან, რომ ზოგ მეფეს არიული სახელი აქვსო. ეს სუსტი დასაბუთებაა. საქართველოს ბევრს მეფეს სპარსული სახელი ერქვა, თამარ მეფის სა-

ხელიც ხომ წმინდა ებრაულია, და ეს განა ვისმე საბუთს აძლევს, რომ ისინი ქართველები არ იყვნენ?

ჰურ - მიტანის ტაბლეტები კომერციულ შინაარსისას თითქმის არაფერს შეიცავენ, უფრო ეხებიან სასოფლო მეურნეობის ცხოვრებას. ცოლის თხოვის დროს სასიძო საცოლის მამას ფულს მიართმევს, რომელიც უკანვე უბრუნდება. საცოლო აჩუქებს საქმროს ტანისამოსს და ავეჯეულობას. დედ - მამა ქალს მზითევს ატანს. თუ ცოლს შვილები ყავს და ქმარი გაეყარა, ქმარი ჯარიმას იხდის და შვილებზე უფლებას ჰკარგავს. თუ სხვა ქალი შეერთო და ამისგან შვილები ეყოლა, მისი ქონება მისი სიკვდილის შემდეგ, მაინც პირველ შვილებს რჩებათ. ჩვეულებრივი მოვლენაა გარეშეს შვილობა, ამას მიმართავენ ხშირად იმისთვის, რომ გვერდი აექციათ კანონისათვის, რომლითაც აკრძალული იყო მამულის გაყიდვა-გადაცემა სხვაზე, გარეშეზე. ამ შემთხვევაში მშვილებელი შვილობლისაგან საჩუქარს—სასყიდელს იღებდა. ვალის სარგებელი ხანდახან 50%-ს აღწევდა. ვალის ასაღებად შეიძლებოდა გირაოდ მიცემა ნივთის და ადამიანისაც, აგრედვე თავდებობაც—ვალდებულობის პირნათლად შესრულებისათვის. დადებულ ხელშეკრულებაში აღინიშნებოდა, თუ რა სასჯელს მოიხდიდა პირობის დამრღვეველი. დანაშაულისთვის სასჯელი უმთავრესად ჯარიმას, ფიზიკური დასჯა იშვიათია. ქურდი იხდიდა ნაქურდალის 24 ჯერ მეტ ღირებულებას.

სარწმუნოება წარმოადგენს ბუნების ძალთა თაყვანისცემას. მთავარი ღმერთებია ტესუპ, ღმერთი ჭეჭა - ჭუხილის, წვიმის და მოსავლის, და ხეპა—ქალღმერთი განაყოფიერების, მსგავსი სუმერულ ინიანსი. თაყვანს სცემდნენ სუმერულ ღმერთებსაც და ზოგიერთს ასურულსაც.

ჰურ - მიტანების კულტურის, კერძოდ ხელოვნების, მეტად ძვირფასი ნაშთების აღმოჩენილი ამ საუკუნის პირველ მეოთხედში (ტელ - ჰალაფში და სხ.). შენობათა ნანგრევები, ქანდაკებები, რელიეფები, იარაღები, სამკაულები, ჭურჭლები ცხადყოფენ მაღალ განვითარებას,




გარკვეულ თავისებურობას და დიდს მხატვრულ ნიჭს. ჰურ - მიტანური სკულპტურა, მისუხედავად პრიმიტივიზმისა, ღრმა შთაბეჭდილებას სტოვებს თავის იშვიათი გამომეტყველებით. სასახლის და ტაძრის ანაგებობა წარმოადგენს გასაოცარ ჰარმონიულ შეერთებას არქიტექტურისა და სკულპტურის. **Oppenheim**-ი ამბობს, რომ ხუროთმოძღვრის და მექანდაკის შემოქმედება პირველად სუბარებმა შეაკავშირესო. მისივე თქმით, ტელაჟეში ჩვენ გვაქვს ბერძნულ - რომაულ ნაწარმოებათა წინამორბედნი და დღევანდელი მნახველიც წმინდა ესტეტურ სიამოვნებას განიცდის ტელაჟის ძეგლებისაგანო.

ქანდაკეები და რელიეფები გვიხატავენ ჰურ - მიტანების რელიგიის, ზნე - ჩვეულების, ყოველდღიური ცხოვრების სრულ სურათს. ჩვენს წინ გადაშლილია მრავალფეროვანი სახეები ღმერთების, დემონების, ადამიანების, ადამიან - ცხოველების, პირუტყვების შინაურის (ხარის, ძაღლის, ვირის) და გარეულის (ლომის, დათვის), ფრინველების (არწივის, სირაქლემასი), სფინქსების და სხვა ზღაპრულ არსებათა (მაგ. ფასკუნჯის), გილგამეშის ეპოსის გამიძრების და სხვა.

ჰურ - მიტანური ხელოვნება ენათესავება სუმერულს და ელამურს. ასურული ხელოვნება არის შეზავება ჰურ - მიტანურის და სუმერულის.

ჰურ - მიტანის მზე რომ ჩაესვენა, ამოვიდა ხეთის. მის ხსენებას ადრე ვპოულობთ ეგვიპტეს ძეგლებში, აგრედვე ასურულში, ბიბლიაში. იგი მდებარეობდა მცირე აზიაში მდ. ლალისის რაიონში. ხეთის ისტორიაში განირჩევა სამი პერიოდი. მესამე ათასეულ წლებში არსებობენ პროტოხეთელები, რომელნიც არ არიან არც სემიტები და არც ინდოევროპიელები. ამ დროის ძეგლებს ახასიათებს ღრმა ორიენტალიზა და ისინი ენათესავებიან სუმერულს და კრიტულს ცივილიზაციას. მესამე ათასეულის ბოლოდან მცირე აზიას შემოესევინ არიელები — ჯერ მცირე

რედ, მერე უფრო მრავლად. ისინი დაიპყრობენ ხეთის ტერიტორიას, თავს მოახვევენ თავის ენას (რამდენად?) თუ შეცვლიან წმინდა ხეთურს, და როგორც მმართველი



კლასი, სათავეში ჩაუდგებიან სახელმწიფოს. ამ პერიოდშია, რომ ხეთელები დაიპყრობენ ბაბილონს (1800 წ.), თუმცა იქ არ დასრებიან. ამ დროსვეა დაარსებული სატახტო ქალაქი ხატუსა (ახლანდელი ბოლახ - კორი). მესამე პერიოდი იწყება მე-15 ს. მიწურულიდან — ესაა ხანა ხეთის ახალი იმპერიისა, რომლის სიძლიერეს საფუძველი დაუდგა მეფე სუბილულიუმამ (1388 - 47). ხეთის მეფე სარგებლობს ჰურ - მიტანის დასუსტებას და დაიკავებს ზემოსირიის ნაწილს. ილაშქრებს მცირე მეზობელ სახელმწიფოების წინააღმდეგ, და შემოიერთებს მათ. დიპლომატიურ ზომებსაც მიმართავს, ზოგ სახელმწიფოში თავის შვილებს დასვამს სამეფო ტახტზე და ხეთას უზრუნველყოფს ასურეთის აგრესიებისაგან. ახლა მის წინ დგას მხოლოდ ეგვიპტე, ხოლო სუბილულიუმას არ დასცალდა მასთან შებრძოლება. ამის შესრულება წილად ხვდათ მის შემკვიდრეებს, რომლებიც დიდი ხნით ემზადებიან ომისთვის. პირველი შებრძოლება

ხეთის დამარცხებით გათავდება, ეგვიპტე წაართმევს ახალ ადგილებს სირიაში. ხეთა შეაკავშირებს მცირე აზიის თითქმის ყველა ტომს ეგვიპტის საწინააღმდეგოდ. 1294 წ. მოხდება ისტორიაში განთქმული ბრძოლა კადეშის, ფარაონ რამზეს II და ხეთის კოალიციას შორის. ეს ბრძოლა იმ დროის დოკუმენტებში დაწვრილებითაა აწერილი და სამხედრო სპეციალისტები დღესაც არჩევენ და აკრიტიკებენ მას. კადეშის ბრძოლა ფარაონის გამარჯვებით გათავდა, თუმცა არა ისეთის სრულის და ბრწყინვალით, როგორც ამას ეგვიპტის წყაროები ასწერენ.

ასურეთის გაძლიერებამ და ბრძოლების გადაუწყვეტელობამ ეგვიპტე და ხეთა აიძულა, მორიგებულიყვნენ და მეგობრობის კავშირი შეეკრათ ერთმანეთთან. არსებობს სრული ტექსტი ამ ხელშეკრულობის, ერთს ცალს ეგვიპტეში ნაპოვნს, არქეოლოგები დიდი ხანია იცნობენ, მეორე აღმოჩნდა ბოლან - კოის გათხრების დროს. ერთი ცალი ხეთურად დაწერილია, რომელიც ფარაონმა ხეთას მისცა და მეორე—**ეგვიპტურად**, გადათარგმნილი ბაბილონურიდან, ეს ხეთის მეფემ გაუგზავნა ფარაონს. ხელშეკრულობის წაკითხვა გარწმუნებთ, რომ საერთაშორისო დიპლომატიას სამი ათასი წლის შემდეგ დიდი პროგრესი არ გაუკეთებია. შესავალში ხეთური ტექსტი აცხადებს: „რამზესმა, ეგვიპტის დიდმა მეფემ, დასდვა ხელშეკრულება ხეთის დიდ მეფესთან ხატუშელთან, რათა იყოს მათ შორის ძმობა“. ეგვიპტური ტექსტი კი ამბობს: „აი ხელშეკრულება, რომელიც ხეთის დიდმა მეფემ ხატუშელმა დასდვა ეგვიპტის დიდ მეფეს რამზესთან ძმობის დასაცავად ურთიერთშორის“. საგულისხმიეროა ჩვენი დროისთვის, რომ ხელშეკრულობაში ვხედავთ მუხლებს იმ დროის პოლიტიკ. ემიგრანტების შესახებ: თუ ეგვიპტეში ვინმეა ხეთიდან გამოქცეული, ფარაონმა უნდა დაუბრუნოს იგი ხეთის მეფეს, მაგრამ უკანასკნელმა არ უნდა დასაჯოს დაბრუნებული, არც რამე ზიანი მოაყენოს მას და მის ოჯახობას. მსგავს პი-

რობას სდებს ხეთელი მეფე ეგვიპტის ემიგრანტებისათვის. ამ მუხლის წაკითხვის დროს, ძალაუნებურად იტყვიოთ, რომ კაცობრიობის მორალიც არ დაწინაურებულა 3200 წ. შემდეგ.

ხელშეკრულების დადებას დამოყვრებაც მოჰყვა ეგვიპტის და ხეთის: რამზესმა ხატუშელის ქალი შეერთო ცოლად.

ხანგრძლივმა ომებმა ხეთა გასტეხეს და დააუძლურეს. ასურეთმა შემოუტია და სირია წაართვა. ხეთის შემადგენელმა ნაწილებმა დაიწყეს განდგომა და დამოუკიდებლად ცხოვრება. ბოლოს ამას ზედ დაერთო დასავლეთიდან (თრაკიიდან) ახალი ტომების შემოსევა, რომელმაც ერთიან დასამხო ხეთის იმპერია მე-12 ს. დასაწყისში. ხეთელების ხსენება მაინც მთლად არ გამქრალა. ისინი დარჩნენ ზემოსირიაში, სადაც შეადგენდნენ რამდენსამე პატარა სამთავროს. ებრძვიან ასურელებს და ამ მიზნით ხანდახან უკავშირდებიან ურარტელებს და მუსხებს. მათი არსებობა სირიაში მე-8 ს. დასასრულამდე გაგრძელდა. იქ წინად ჰურები ბატონობდნენ, სემიტური ტომებიც ცხოვრობდნენ და ეს სამი ელემენტი ერთმანეთს შეერივნენ.

ხეთის იმპერია, როგორც ჰურ - მიტანისა, ფეოდალური სახელმწიფოა, შეიძლება რამოდენადმე კონფედერაციის სახეც ჰქონდა. ზოგი მეზობელი სახელმწიფო ხეთის მოკავშირეა, ზოგი კიდევ მის პროტექტორატის ქვეშ იმყოფება. ბოლო ხანებში მეფე მოსპობს ვასალებს და მათ ადგილზე პროვინციების გამგებლებად დანიშნავს თავის მოხელეებს. მეფეს განუსაზღვრელი უფლება არა აქვს, შეზღუდულია დიდებულთა კრებულით, რომელიც ამავე დროს არის უმაღლესი სამსაჯულო დიდებულების და მეფის გვარჯულოთა დანაშაულის გასარჩევად. მეფეს უწოდებენ „დიდ მეფეს“ და აგრეთვე „ჩემ მზეს“ (ქართული ფიცი „ჩემმა მზემ“). იმ დროის საერთაშორისო პროტოკოლის ძალით, მეფეები რომ ერთმანეთს წერილს მისწერდნენ, მხოლოდ ეგვიპ-

ტის, მიტანის - ჰურის, კახების და (მიტანის გაქრობის შემდეგ) ასურეთის მეფეებს ეწოდებოდათ „დიდი მეფეები“ და მხოლოდ მათ შეეძლოთ ერთმანეთისთვის ეწოდებიათ „ჩემო ძმაო“. ხეთის მეფე არის შუამსვალის ღმერთებსა და ხალხს შორის, იგია მეთაური დიდი რელიგიური ცერემონიების. უფროსია და წინამძღოლი ჯარის და უმაღლესი მსაჯული. გამარჯვების შემდეგ ხეთის მეფე შეუბრალებლად არ ეპყრობა დამარცხებულებს, არ ხოცავს მათ — ატყვევებს მხოლოდ და მონებად მოყავს სახლში. მეფეს ჰყავს ერთი ცოლი - დედოფალი, რომელსაც ეწოდება „ტავანანა“ (ღვთის დედა). მას საყვარლებიც ჰყავს, ხოლო მათ დედოფლობა არ ეკუთვნით. სადღესასწაულო გამოსვლების დროს, დედოფალი მეფის გვერდითაა. დედოფალს მეფობა არ შეუძლია, მაგრამ რეგენტობა კი. ის მონაწილეობას იღებს ზოგიერთ საერთაშორისო ხელშეკრულების დადებაში. თუ დედოფალი უშვილოა, ტახტის მემკვიდრეობა გადადის მეფის რომელიმე საყვარლის შვილზე.

დიდებულთა წოდების ქვემოთ არიან თავისუფალნი და მონები. თავისუფალთა კლასს შეადგენენ ვაჭრები, ხელოსნები, მიწათმოქმედნი. მიწის საკუთრება კოლექტიურიცაა და კერძოც. მეტი წილი მიწისა ეკუთვნის მეფეს და ტახტებს. ხეთა მდიდარი იყო მადნეულობით და რკინის და სხვა ლითონების წარმოება მეტად განვითარებული ჰქონდა. თავის ნაწარმოებს აწვდიდა ფართოდ მეზობელ ქვეყნებს. გასაყიდ საქონელის ფასებს აწესებდა კანონი. სამართალი დიდს მფარველობას უწევდა სოფლის მეურნეობას. დანაშაულის სასჯელი მკაცრი არაა: მკვლელობისთვის 4 კაცის მოცემა ან ფულის გადახდა, ფულითვე ანაზღაურება ჭრილობისათვის. დიდია სასჯელი შინაური პირუტყვის ქურდობისთვის. პირადი შურისძიება ნებადართულია, მხოლოდ ერთ შემთხვევაში — თუ ქმარი შეასწრობს ცოლს საყვარელთან.

ცოლის თხოვა ხდება ყიდვით ან გატაცებით. აკრძა-

ლულია ცოლ - ქრმოზა ახლო ნათესავეების. ქალს საზოგადოთ დიდი პატივი აქვს, მონაწილეობას იღებს პოლიტიკურ და საზოგადოებრივ ცხოვრებაში, ვაჭრობაშიც. კანონი მეტად სასტიკად სჯის, ვინც უპატივცემლობას გამოიჩინეს ქალის მიმართ და რაიმე თუნდ მცირე შეურაცხყოფას მიაყენებს. აღსანიშნავია შემდეგი ფაქტი: მე-14 საუკ. ხეთის მეფე მურსილ მეორე აპირებდა ომს ერთ მეზობელ სახელმწიფოს (სეხას) წინააღმდეგ, უკანასკნელის მეფის დედა მურსილთან მოვიდა და თხოვა, ნუ შემოესევი ჩვენს ქვეყანასო. მურსილმა უარი თქვა თავის განზრახვაზე — ქალმა თხოვა და არ შემოძლია პატივი არ დავდოო.

სარწმუნოებას ისე, როგორც ყველგან ძველ დროში, დიდი ადგილი უკავია. ეს სარწმუნოება ენათესავება სუმერიელებისას. მთავარი ღმერთებია: **ტესუმ**, დიდი ღმერთი ქექაქუხილის და წვიმის და დიდი ქალღმერთი **დედა-მიწა**. ორივე გამოხატავს განაყოფიერებას, გამრავლებას და მოსავალს. მათ გვერდითაა ახალგაზნდა ღმერთი, შვილი დედა - მიწის თუ მისი საყვარელი. კაც-ღმერთები წარმოდგენილი არიან ელვით და ცულით ხელში, მათი ატრიბუტია კურო ხარი, ხოლო ქალ-ღმერთის ატრიბუტია ხან ლომი, ხან მტრედი. ხეთის დიდი ღმერთი შემდეგში იქცევა იუპიტერად, და ქალ-ღმერთი კიბელად, დემეტრად. მთავარ ღმერთებს შვილები ჰყავთ — ვაჟები და ქალები. არსებობენ მეორე ხარისხის ღმერთები მთების, ტყეების და სხ. მღვდელ - მსახურნი ექვემდებარებიან განსაკუთრებულ წესებს და სასტიკად ისჯებიან, თუ ცუდად ასრულებენ თავის მოვალეობას.

ვათხრებმა ხეთის დედა ქალაქში და სხვა ადგილებში აღმოაჩინეს მრავალი ნაშენის ნაშთები — ქალაქთა ზღუდეების, სასახლეების, ტაძრების, კოშკების, ციხე - სიმაგრეების. არქიტექტურული მანერა, კედლების და კარების მორთულება, ქანდაკებები, ბარელიეფები, სახეები ღმერთების, მეფეების, ადამიანების და ცხოველების, ცხადად მოწმობენ მაღალ მხატვრულ შემოქმედებას,

რომელიც ენათესავება სუმერიისას და კრიტიკისას, მაგრამ აღბეჭდილია საკუთარი ორიგინალური თვისებებით. ასეთივეა ხეთური კერამიკა და გლიპტიკა. უეჭველია, რომ ხეთელებს უნდა დაეთმოთ ხელოვნების ისტორიაში ერთი საპატიო ადგილთაგანი. ბერძნებმა ჯეროვნად შეაფასეს ხეთელების მხატვრული ნიჭი და სპეციალისტებს უდავოდ მიაჩნიათ ხეთური ხელოვნების გავლენა ბერძნულისაზე.

ხეთური ლიტერატურა საკმაოდ მდიდრულად არის მოცემული ბოზად - კოის გათხრებით. აქ არის ანალოგი, ისტორიული აღწერილობანი, ხელშეკრულობანი<sup>1</sup> ისტორიული შესავლით, წესრიგი მოხელეებისთვის, ოფიციალური წერილები, ეპოსები და მითები,<sup>2</sup> შელოცვები და წინასწარ გამოცნობანი, ასტროლოგია, მღვდელმსახურების წესები, დარიგება ცხენების გასახედნად და სხ.

ხეთების მხატვრული შემოქმედება გაგრძელდა სირიაში, სადაც მათ თავისი ეროვნული არსებობა შეინარჩუნეს და მოიპოვეს ამ დროს ბევრი საინტერესო ძეგლი, რომელთაც ჰურის გავლენა გადაკრავს.

ჩვენ უკვე მოვიხსენიეთ, რომ კასხების დამხობის შემდეგ ქვემო მესოპოტამიაში აღსდგა ბაბილონეთის სამეფო, რომელიც მერმე ასურეთმა დაიპყრო. ასურეთი თანდათან გაიზარდა, დიდ იმპერიად გადაიქცა, წინა აზიაში ჰეგემონობა მოიპოვა და ეგვიპტესაც მიწვდა. ჩვენთვის მისი ისტორია საგულისხმოა იმდენად, რამდენად მის მოპირდაპირეებად გამოდიან მუსხები და ურარტელები.

ისტორიკოსებს დღემდის ვერ გადაუწყვეტიათ, თუ რა ძალამ წააქცია ხეთა. ზოგი ფიქრობს, რომ ეს იყვნენ ბოსფორზე გადმოსული მუსხები თუ ფრიგიელები (ზოგისთვის მუსხი და ფრიგიელი ერთი და იგივეა, ზოგისთვის—ერთმეორის მონათესავე ტომებია), ზოგი კი ხეთის დამაქცეველად სთვლის კასხებს— გასვას, რომელნიც ხეთის ჩრდილო დასავლეთით ბინადრობდნენ და ხშირად თავს ესხმოდნენ მას. ასეა თუ ისე, ხეთის დაღუპვის

შემდეგ, მის ყოფილ ტერიტორიაზე პირველად გამოჩნ-  
დებიან მუსხები და ცოტა უფრო გვიან ტაბალები. ჩვენ  
მიერ უკვე დასახელებული დელაპორტის ისტორიულ  
ატლასში მუსხების ტერიტორია დაახლოვებით 1100  
წელში შემოფარგლულია ფართოდ. მას უკავია შუა ლა-  
ლისის ორივე ნაპირი და დასავლეთით გაწეულია ბოს-  
ფორისკენ. სხვა ქართაზე, მუსხები აღნიშნული არიან  
შუა ლალისის დასავლეთით და მდ. ევრატის სათავეს-  
თან აღმოსავლეთით. მუსხების კვალი ვანის რაიონშიც  
სჩანს, რადგან არარატს მეორე სახელიც ეწოდება — მა-  
სის, რაიც გულისხმობს მასხებს, მუსხებს.


ჯერ კიდევ მე-13 ს. მუსხები გამოდიან როგორც მტრე-  
ბი ასურეთის და ხელს უწყობენ მისი მეფის ტუკულტი-  
ნინურტას დაუძღურებას. დაახლოვებით 1170 წ. მუსხები  
თავს ესხმიან ზემო ევრატის მარცხენა ნაპირებს. ხშირი  
ბრძოლები აქვს მუსხებთან ასურეთის ძლიერების დამა-  
არსებელს ტეგლატ-პალასარს (1115 - 1100). ერთი თა-  
ვის გალაშქრების შესახებ ეს მეფე ამბობს, რომ ოცი  
ათასი მუსხი და ხუთი მეფე, რომლებსაც 50 წლის გან-  
მავლობაში ეპყრათ ასურეთის მოხარკე აღზი და პური-  
კიზი და რომელნიც მანამდე ვერავის დაემარცხებია  
ომში და ამყობდნენ თავის ძლიერებით, — ჩამოვიდნენ  
კუმუხში და მე ისინი ღირსეულად დავესაჯე ასეთი უგ-  
ნურობისათვისო.

წყაროები იხსენიებენ მუსხების ბრძოლებს ასურელებ-  
თან შემდეგ საუკუნოებში. მუსხები, როგორც ტაბალები  
ც რამდენსამე სამეფოს თუ სამთავროს შეადგენენ და  
საჭიროების დროს ერთებიან, ერთად ებრძვიან მტერს.  
ისინი ურარტუსაც ეხმარებიან ასურეთის წინამდევ-  
მათ ქალაქები აქვთ, მდიდრულად ცხოვრობენ, ღვინის  
დაყენება იციან, შინაური საქონელი ბევრი ყავთ. კარ-  
გად იციან მადნეულობის დამუშავება და მათი დამუშა-  
ვებული ჭურჭელი და იარაღი შორს ქვეყნებში გააქვთ.

სამწუხაროდ მუსხების წარსული მკრთალად არის  
გარკვეული. ივ. ჯავახიშვილის სიტყვით, გერმანელ მე-



ცნიერებს ჰ. გელცერს და ე. შრადერს ამოკრეფილი აქვთ ასურულ წყაროებიდან ყველა ცნობა მუსხების და ტუბალების შესახებ. ეს ცნობები აქამდის სათანადოდ გამოყენებული არაა. მუსხთა — მესხთა საკითხი კი ღირსია დიდი ყურადღების. ვინ არიან მესხები? მესხები და ფრიგიელები ერთი და იგივენი არიან თუ ერთი ტომის, ორი ცალცალკე შტო, თუ ორი სხვა და სხვა ტომისა? საიდან მოვიდნენ მცირე აზიაში — ფრაკიიდან თუ სხვა ადგილიდან? რა კავშირია ბასხსა და მესხს შორის? ჩვენი ისტორიკოსების სიტყვით, მესხი სვანური გამოთქმისა, მეგრულ — ჭანურად იქნება მოსხი, ხოლო ქართულად მასხი. მასხი უდრის ბასხს. აფხაზის სახელი იყო ძველად ა—ბასხი (აბასგი), ერთი სირიელი მწერალი აფხაზს უწოდებს ბაზგს. ასე ამგვარად, მესხების საკითხი ძალიან ფართოდ იშლება. პირენეს ბასკების წარმოშობაც ამასთანაა დაკავშირებული.



გაცილებით უკეთესად არის გაშუქებული ასურეთის ახალი მოწინაამდევის და დიდი მეტოქის ურარტუს ისტორია. გარდა ასურულ ძეგლებისა, საჭირო ცნობებს საკმაოდ იძლევიან ურარტუს ნაწერები (ლურსმული),

რომლებიც ჯერ მთლად გახსნილი და წაკითხულ არაა. ჩვენ გვაქვს სსრული სია ურარტუს სუვერენებისა 11½ საუკუნის განმავლობაში, როცა ურარტუ დიდს როლს თამაშობდა. ურარტუ მდებარეობდა ეფრატის და ტიგრის სათავეებთან, ვანის ტბის, მდ. არაქსის და არარატის რაიონებში. იგი წესდებოდა სამი ნაწილისაგან: სამხრეთით იყო ნაირის ქვეყანა, მერე ვანი ან ბიანა და ჩრდილოეთით ურარტუ, რომელიც ყველას მეთაურობდა. ნაირი, ვანი და ურარტუ გეოგრაფიული სახელებია, თვითონ ხალხი თავის თავს ეძახდა ქალდის ანუ ხალდის. ასურული წყაროები ჯერ კიდევ მე-12 ს. იხსენიებენ ურარტუს და ნაირის არსებობას. გარკვეული ცნობები მე-9 საუკუნიდან მოდის. დაახლოვებით 860 წელს ურარტუს მეფე იყო არამი, რომლის სახელმწიფო დიდს არაფერს წარმოადგენდა. ასურეთის ჯარები რამდენჯერმე ამარცხებენ მის მემკვიდრეებს სარდურისს და ისპუინისს. ურარტუს სიძლიერე შექმნა მეფე მენუასმა (დაახლოვებით 800 წ.). მან ყოველი მხრისკენ გააფართოვა სამეფოს საზღვრები და სრულად მოსწყვიტა ასურეთი მცირე აზიას. ამ დროიდან მერვე საუკუნის დასასრულამდე, მთელი მცირე აზიის ხალხებისათვის დიდი და სახელგანთქმული სახელმწიფო იყო არა ასურეთი, არამედ ურარტუ. მენუასის ღირსეული მემკვიდრე არგისტისი გაიწევს ჩრდილოეთისკენ, დაიმორჩილებს სირიისკენ მცირე სამეფოებს, მიუახლოვდება ურმიას, სამხრეთით ასი კილომეტრით დაა დაშორებული ნინევიას და ამგვარად გარსშემოერტყმევა ასურეთს. ამ 3ე-გემონობას დაუმკვიდრებს თავის შვილს სარდურისს მესამეს (დაახლოვებით 750 წ.). ამ ძლიერი მეფეების სატახტო ქალაქი მდებარეობს ვანის ტბის ნაპირად. ბრძოლა ურარტუს და ასურეთის ხაზ ნელდება, ხან მწვავე სახეს იღებს. ჩრდილო სირია იგახდა მთავარი ველი შებრძოლების. სარდურისი ამარცხებს ასურელებს და უკან ახევინებს. საერთოდ სარდურისი დიდი მეომარია და ასურული წყაროები აღწესნავენ არა ნაკლებ 27 მის გა-

ლაშქრებასა სხვადასხვა ქვეყნებში. 745 წელს ასურეთის ტახტზე ავიდა ტიგლათ - პალასარი, რომელიც ცდილობს დაკუმული სამეფოს აღდგენას. პირდაპირ ვერ შეუტევს ურარტუს და მტრის ძალას მოსინჯავს აღმოსავლეთით, ურმიის მხარესკენ. საკმაოდ წაიწევს წინ, მაგრამ მტერს ვერ აგნებს. ბრძოლის ცენტრი ისევ სირიაში იქმნა გადატანილი და აქ ზემო ეფრატის ნაპირებზე ტიგლათ - ფალასარი შეეცალება ურარტუს და მის სირიელ ვასალებს. სასტიკი ბრძოლის შემდეგ, სარდურისი მარცხდება. ახლა ასურეთის ჯარი პირდაპირ ურარტუს შეესევს, მიღწევს ვანის ტბის ნაპირებს და ანადგურებს ქალაქებს. სარდურისი და მისი მემკვიდრე რუსა განაგრძობენ ომს, მაგრამ სასწორი თანდათან ასურეთისკენ იხრება. ასურეთის მდგომარეობას ართულებს ბრძოლა ელამის, ფრიგიელების (თუ მუსხების) და ტაბალის წინააღმდეგ, ხოლო მას შველის ის გარემოება, რომ ეგროპიდან კავკასიაზე გადმოვლენ კიმერიელები და საშინლად ააოხრებენ ურარტუს. ამას სარგებლობს ასურეთის მეფე სარგონი (შარუკენი) და 714 წელს გაილაშქრებს ურარტუზე. რუსას ეხმარებიან კუმუხის მუსხები და მიდიელთა ზოგი ტომი. სარგონი დამარცხებს მათ და მიწასთან გაასწორებს ურარტუს დედა ქალაქს. რუსა ვერ აიტანს ამ დამარცხებას და თავს მოიკლავს.

დასრულდა ურარტუს ძლიერება, თუმცა როგორც სახელმწიფო იგი შემდეგ საუკუნებშიც არსებობს. ომს ველარ უბედავს ასურეთს, პირიქით ცდილობს მასთან დამეგობრებას. ხოლო არც ასურეთმა იარსება დიდხანს ამის შემდეგ. ხანგრძლივმა და მკაცრმა ბრძოლებმა ერთმანეთთან დაასუსტეს ურარტუც და ასურეთიც და სრულიად ჰქრება ორივე ახალი ბაბილონეთის და განსაკუთრებით მიდია - სპარსეთის გამოსვლით მეშვიდე ს. ბოლოს.

ხეთა რომ დაემხო, მე-12 ს. მცირე აზიაში, მის ნანგრევებზე და ვახლობლად გაჩნდენ პატარ - პატარა სახელმწი-

ფოები — კილიკია, პამფილია, კარია, ლიკია, ლიდიის, ფრიგიის. ისინი მდებარეობდნენ ნაწილობრივ ეგეოსის ზღვის ნაპირად და ახლო, და როცა მეორე ათასეულის ბოლო წლებიდან, მცირე აზიის დასავლეთის მხარეებში ბერძენთა კოლონიები გაჩნდა, ამ სახელმწიფოებმა ბერძენთა გავლენა განიცადეს. ხოლო თავის მხრით, მცირე აზიის მკვიდრნიც დიდს გავლენას ახდენდნენ ბერძნებზე, მათ ცხოვრებასა და კულტურაზე. ელინთა გავლენა უფრო დაეტყო კილიკიას და პამფილიას, სადაც ძველი მოსახლეობის და ბერძენთა შერევა - შეჯვარადინება მოხდა. კარიაშიც ძველი მკვიდრნი კონაები, ლელეგები და კარიელეები ბერძნებმა ზღვის ნაპირებიდან განდევნეს. დასახელებულ სახელმწიფოთა შორის, ისტორია განსაკუთრებით იცნობს ლიდიას და ფრიგიას, რომელნიც ერთს დროს მნიშვნელოვან ძალას წარმოადგენდნენ მცირე აზიაში.

ლიდია მდებარეობდა სმირნის და ედესის რაიონებში და მისი დედა ქალაქი იყო სარდი. მე-13 საუკუნეში, ლიდიას საკუთარი მეფე ყავს, რომელიც ვასალია ფრიგიის და ფრიგია თავის მხრით ნაწილია ხეთის იმპერიის. ლიდიელები, ისე როგორც ფრიგიელებიც, მონაწილეობას იღებენ ზემოთ მოხსენებულ კადეშის ბრძოლაში. ლიდიის ხალხი სამს შტოს შეიცავს — მეონი, ტურსა თუ ტირსენ და სარდანა. ამბობენ, რომ ეტრუსკები ლიდიიდან გადასახლებული ტირსენები არიანო. სარდის ბოლოდროინდელი გათხრები ამჟღავნებენ, რომ უნდა იყოს მსგავსება ლიდიურსა, ხეთურ და ეტრუსკულ ენებს შორის. გათხრებში ნაპოვნი სამკაულები და სხვა ნივთები, ძლიერ გვანან ეტრუსკულს და ორივე აღბეჭდილია ხეთურ და მესაპოტამურ მისწრაფებით. ლიდიური ღმერთები პლდანს (—შ)—აპოლონი, არტიმუს—არტემიდა, ბაკის (—შ) — ბახუსი გვეუბნებიან, რომ ლიდიელებმა და აზიის ბერძნებმა ანატოლიის საერთო ფონდიდან აიღეს ეს სახელები.

ხეთის მოსპობის შემდეგ, ლიდია ფრიგიას ჩამოშორდა და მას მართავდა ხეთური დინასტია, რომლის უკანასკნელი წარმომადგენელი იყო (მე-7 ს.) მირსილოს. ის ცნობილია უფრო კანდავლის სახელით. კანდავლი ტახტიდან გადააგდო და მის მაგიერ გამეფდა გიგეს (გვიგოი, გვიგოს, გუგუ), რომელმაც გააძლიერა ლიდია და დიდი სახელი გაუთქვა, განსაკუთრებით ელინთა შორის. მისი ტერიტორია შეიცავდა მცარე აზიის დიდს ნაწილს, ლალისის მდინარემდე და სამხრეთით თითქმის სირიის საზღვრამდე. მის დროს ლიდია ფრიად აყვავებული იყო ეკონომიურად. ლიდელები დიდი მრეწველი და ვაჭარი ხალხი იყვნენ. ლიდია შუამავალია ელინთა სამყაროს და მესოპოტამიას შორის. გიგესი მეგობრობს ასურეთს, ხარკსაც აძლევს. ამავე დროს დიდს შესაწირავებს უგზავნის დელფის ტაძარს. წონასწორობას იცავს დასავლეთსა და აღმოსავლეთს შუა. მის მდგომარეობას ერთიან შეარყევს კიმერიელების შემოსევა, რომლებიც დაბინადებიან ლალისის შესართავთან და ირგვლივ ქალაქებს და სოფლებს ანადგურებენ. გიგესი შეეპრძოლება მათ და ამარცხებს ნნვ წ. კიმერიელები შემდეგ წელს თავს დაესხმიან მაინც და გიგესი იღუპება ბრძოლის ველზე. კიმერიელები აოხრებენ ლიდიას, მაგრამ დიდხანს არ შერჩებათ გამარჯვება. ჯერ ასურელებმა და შერმე სკითებმა სრულებით გარყვეს ისინი მცირე აზიიდან. ლიდია ისევ ფეხზე წამოდგა და კრეზოსის დროს (561 - 546) უმდიდრეს მხარედ ითვლებოდა. კრეზოსის სუფრა და ჯიბე უხვად მასპინძლობდა ელინებს. მის კარზე ვხედავთ გამოჩენილ ბერძნებს თალესს, ეზოპს, სოლონს და სხ. კრეზოს ფართოდ ეხმარება ბერძნის ქალაქებს ელადაში და ამავე დროს მცირე აზიაში ბერძნთ კალონიებს ზოგს შემოიერთებს, ზოგს მოხარკედ გახდის, ზოგს კიდევ თავის საკომერციო კანტროლს დაუმოჩილებს. ფრიგიაც კი, რომელიც ერთ დროს მისი სუზერენი იყო, ახლა თავის ვასალად გახდა. სარდი აივსო ოქროთი და საერთაშორისო ბანკად გადა-

იქცა. ინდუსტრიაც ძლიერ განვითარდა. ესეთი სიმდიდრე იყო საუბედუროდ მთავარი მიზეზი მიდიის გადამტერების. ორივე მხარე დიდძალია ირანზებოდენ ერთმეორის წინააღმდეგ. კრეზოსი პირველი დაეტაკა მიდიას, დამარცხდა და ტყვედ ჩაუყარდა კიროსს. გარდაიცვალა 525 წ. ლიდია და მთელი ანატოლია სპარსეთ - მიდიის ხელში გადავიდა.

ლიდიის აღმოსავლეთით მდებარეობდა ფრიგია. ისტორიკოსები ფიქრობენ, რომ მისი მოსახლეობა სხვა და სხვა დროს რამოდენიმე წყებად გადმოსული თრაკიელები იყვნენ. ზოგნი მათ უნათესავებენ მუსხებს. ხეთის დაქცევას შემდეგ, ფრიგიელები ხეთელებს შეერივნენ, საფიქრებელია. ფრიგელები, ისე როგორც კარიელები და პელასგები, ჰომიროსის ილიადაში მოხსენებულნი არიან პრიამის მოკავშირეებად\*) და პრიამის ცოლი, ლეკუბა ფრიგელის ქალი იყო. ფრიგიის მეფეების სახელი ყოფილთვის ან გორდიოს იყო ან მიდას (მიტა), ამბობენ, ეს უკანასკნელი მიტანელებისაგან ჰქონდათო. ფრიგიას ორი მტერი ყავდა — ლიდია და ასურეთი. კიმერიელებმაც ბევრად დააზიანეს, მაგრამ თავისი ეროვნული არსებობა სპარსელების გაბატონებამდე შეინარჩუნეს.

ფრიგიელების ტომობრივი ვინაობის გასარკვევად საყურადღებოა მათი სარწმუნოებრივი შეხედულებანი. მიწის ღმერთები არიან პირველ ადგილზე, **მა** (კიბელა), დედა ღმერთი **ნანა**, საყვარელი თავის შვილის **აკისის** — განაყოფიერების ღმერთის, **მენ** — მთვარის ღმერთი, **დიონიზოს**, რომლის კულტი საბერძნეთში ფრიგიიდან გადავიდა. ფრიგიის ერთი მდინარის ღმერთს სახელად **ნანა** ჰქვია, ხოლო ქვეყნის მეფე ქალს — **ი-ი**, რაც ნიშნავს იას. ეს რამოდენიმე დამახასიათებელი ფაქტი, რასაკ-

\*) ჰომიროსი განასხვავებს ტროადელებს ფრიგიელებსაგან, ხოლო ევრიპიდეს ტრაგედიებში ტროადელები თავის თავს უწოდებენ ფრიგიელებს და ბარბაროსებს (ბარბაროსი - არა ელინი).

ვირველია, საკმაო არაა, ფრიგიელების ჩამომავლობის საკითხის გადასაჭრელად, მაგრამ ეს გვიჩვენებს, თუ რა გზით უნდა წარიმართოს კვლევა.

ძალაუნებურად დაგებადებით კითხვა: იმ შორეულ დროში, როცა ისტორიულ სარბიელზე მოქმედებდნენ ზემოთ მოხსენებული ტომები, რა იყო კავკასიაში, რას წარმოადგენდა ის მხარე, სადაც მერმე გაჩნდა საქართველო? 25 - 30 წ. წინად ქართველი ისტორიკოსები ფიქრობდნენ, რომ ქართველურ ტომების გამოჩენა კავკასიაში იწყება მე-8 - 7 ს. ქრ. წ. უკანასკნელ დროს საქართველოში წარმოებულმა გათხრებმა ერთიან გადაბრუნა ეს შემეცნება და ახლა მტკიცდება, რომ ქართველური ტომები სამხრეთ კავკასიაში უკვე მესამე ათასეულ წლებიდან ბინადრობდნენ. უთვალავი ნაპოვნი ნივთი — ოქრო - ვერცხლის, სპილენძის, რკინის, თიხის, ქვის — ქურჭლები, იარაღები, სამკაულები და სხ. ნათლად მოწმობენ, რომ სამხრეთ კავკასიაში, ამ შორეულ დროიდან დაწინაურებული შეტალურგის და კერამიკის წარმოება არსებობდა, რომელსაც მსგავსება აქვს მესოპოტამიის და მცირე აზიის კულტურასთან. აღმოჩენილი ნივთები ამტკიცებენ, რომ სამხრეთ კავკასიას ახლო ეკონომიური და კულტურული ურთიერთობა ჰქონდა წინა აზიის ქვეყნებთან. რომელი ქართველური თუ იაფეთური ტომები იყვნენ პირველი ბინადარნი კავკასიაში და რომელნი მოვიდნენ შემდეგ, როგორ მოხდა ტომების შერევა, მათი ქართუხაცია, საქართველოს წარმოშობა — ეს სხვა საგანია და იგი არ შეადგენს დღევანდელი მოხსენების თემას.

ამით ამოვწურავთ წინა აზიის იმ ტომების და ხალხების მიმოხილვას, რომელთაც კავშირი აქვთ ჩვენი მოხსენების საგანთან. ჩვენ შევვხებით იმათ ცხოვრებას და მოქმედებას, ძალიან მოკლედ, მკრთალად, ზოგადად. მათი შესწავლის დღევანდელი მდგომარეობა მეტის საშუალებას არ გვაძლევს. მოვა დრო, როცა ამ ხალხების ისტო-

რია ისევე ვრცლად, დასაგებით და სრულად იქნება დაწერილი და ფართოდ გავრცელებული, როგორცაა ეგვიპტის, საბერძნეთის, რომის და შეიძლება უკეთესადაც ახლა დავკმაყოფილდეთ იმით, რაც გვაქვს. შეიძლება ჩვენი საგნისთვის საინტერესო ტომების რიცხვი, მართლწინა აზიის საზღვრებით არ შემოიფარგლება, ამაზე ქვემოთ ვილაპარაკებთ. ჯერ კი გავარკვიოთ, ვინ არიან ეს სუმერელები, ელამელები, ჰურ-მიტანელები, ხეთელები, კასხები, მუსხები, ურარტელები, ლიდელები ფრიგიელები? რა ურთიერთობაა მათ შორის? რა კავშირი აქვთ ქართველთა მოდგმასთან?



ყველა ჩვენ მიერ განხილულ ხალხს, ევროპიელ - ამერიკელი ისტორიკოსები — ფრანგები კერძოდ — უწოდებენ აზიანიკებს. ცნობილი ფრანგი ორიენტალისტი **Contenau** ასე განმარტავს ამ სახელს: აზიატიკ ნიშნავს საზოგადოთ აზიის ყოველ მკვიდრს, აზიატია — სამარყანდის და ბუხარის მკხოვრები, ხოლო აზიანიკები არიან ის ხალხები დასავლეთ აზიის, რომელნიც რასულად არც სემიტებს ეკუთვნიან და არც ინდო-ევროპიელებს. მიუნხენის პროფესორმა ჰომელმა დაარქვა ამ ხალხებს საერთოდ ალაროდიელები (ალაროდი, ბერძნულად დამახინჯებული ურატიუ - არარატია). გერმანელმა მკვლევარმა ვირტმა შემოიღო მათთვის სახელწოდება კასიელები (სიტყვის კავკასიის ბოლო ნაწილის მიხედვით). ჩვენმა თანამემამულე ნ. მართმა, რომელმაც პირველმა დიდი ყურადღება მიაქცია ამ ხალხთა ეთნურ თავისებურებას და მათ ნათესავეობის წმინდა კავკასიელებთან, შექმნა მათთვის სახელი იაფეთიდები, იაფეთიანები.

ცხადია, ყველა ეს სახელწოდება ხელოვნურია და ამას მნიშვნელობა არა აქვს. რა სახელიც არ უნდა ვუწოდოთ, ფაქტია ის, რომ წინა აზიის პირვანდელი მკვიდრნი წარმოადგენენ ერთს განსაკუთრებულ ოჯახს, სრულებით განსხვავებულს სემიტურისა და ინდო-ევროპიულისაგან.

კერძოდ, სუმერიელების არა სემიტობა და არა არიელობა არავისთვის საეჭვო არაა, ხოლო ზოგი ისტორიკოსი ფიქრობს, რომ სუმერიელები ეკუთვნოდნენ ოჯახს სრულიად განცალკავებულს, რომელიც დღეს მთლად გამქრალია. ამ 70 წ. წინად ჯერ კიდევ ფრანგმა არქეოლოგმა ლენორმანმა გამოთქვა, რომ სუმერიული ენა ქართუ-

ლის ნათესავიაო. ჰომელმა განსაკუთრებული მნიშვნელობა მიანიჭა კავკასიის ერებს და მათ ენებს წინა აზიის ნათესავობის პრობლემის გადასაჭრელად. საზოგადოთ დღევანდელი მეცნიერები პირდაპირ აღიარებენ, რომ სუმერელები აზიანოებები არიან და მათი ენა აზიანოებურია, ან თუ ამას პირდაპირ არ ამბობენ, მათი საზოგადო დასკვნები ნათლად ადასტურებენ სუმერელების იაფეთიანებას თუ აზიანოებას\*).

ყველა დარწმუნებულია, რომ ელამელები აზიანოებიაოჯახისა და ელამური ენა ეკუთვნის იმავე ჯგუფს, რომელსაც ეკუთვნიან დანარჩენ წინა აზიის მკვიდრთა ენები, და რომლის აწინდელ წარმომადგენლებად მიაჩნიათ კავკასიური ცოცხალი ენები. ჰურ - მიტანურ ენის დოკუმენტი ჯერ - ჯერობით ცოტაა აღმოჩენილი. რაც არის, ამის მიხედვით მეცნიერები დაასკვნებენ, რომ ეს ენა ჰგავს კავკასიურს, სახელდობრ ქართულს და 9-8 ს.ს. ურარტუს ენა ჰურ - მიტანურის ნათესავია. ქართველ ტომთა გაერთიანებას, აღმოსავლეთ ამ. კავკასიაში ბერძნები პირველად ეძახდენ სასპერებს, ხოლო შერთხე საუკუნიდან ქრ. წ. იბერებს. ჩვენი ისტორიკოსები ფიქრობენ, რომ სასპერი, ძველი სუბარისაგანაა წარმომდგარი.

ხეთაწი მეცნიერები განარჩევენ ძველს ხეთურს და მერმინდულ ხეთურს. პირველის შესახებ, აზრთა სხვა და სხვაობა არ არსებობს----იგი აზიანოებურია ანუ კავკასიური. მეორე, მერმინდელი ხეთურის შესახებ, ზოგნი ღროზნის (ვენის და მერე პრაგის პროფესორი) მეთაურობით ფიქრობენ, რომ ეს ენა გაინდო-ევროპოილებურია თავის გრამატიკით, თუ ლექსიკონით არა. მათი არგუმენტაცია მაინცა და მაინც დამაჯერებელი არაა. აი ასეთი კუროზი: ხეთურად მუ უდრის ფრანგულ moi-სო და

\*) მ. წერეთელს საკმაოდ მოზრდილი ლექსიკონი აქვს შედგენილი საერთო სიტყვებისა ქართულსა და სუმერულში..

**wesch**—ინგლისურს **we** (ვაი-ჩვენ). მაგრამ არა ნაკლების უფლებით უდგება ეს სიტყვები ქართულს მე-ს და ჩვენ-ს. სხვები ახალ ხეთურსაც აზიანნიკურად სთვლიან. არიან ისეთებიც, რომლებიც მას უნგრო-ფინურს ადარებენ. ზოგი კიდევ იმას ამბობს, რომ ეს ენა გამოყოფილია ენათა ოჯახიდან, ვიდრე ინდო-ევროპიული გამოიყოფებოდაო. ყოველ შემთხვევაში, ეს აზრთა წინამდევობა ხეთურ ენის შესახებ არ ცვლის ხეთელების ეთნურ ნათესავობას სხვა აზიანნიკებთან, თუ მხედველობაში მივიღებთ სხვა ეთნურ ელემენტებს (სარწმუნოებას, ხელოვნებას, ფიზიკურ მოყვანილობას). თუ მეორე ათასეულ წლების დასაწყისში არიელები შეესივნენ ხეთელებს, ეს არ იყო გადამწყვეტი მომენტი ხეთელთა დიდი ცივილიზაციის — შემოსული ინდო-ევროპიელები მაშინ ნახევრად ველურები იყვნენ, თვითონ ხეთის მკვიდრი კი საკმაოდ დაწინაურებულნი კულტურულად; და თუ ხეთამ ისეთი პოლიტიკური და კულტურული სიმძლვე გამოიჩინა, ეს წმინდა ხეთურ ტომის წყალობით და არა მოსულ არიელების.

არაფერს ვიტყვით კასხების და მუსხების შესახებ, რადგან მათი ვინაობის საკითხი ქართველებისათვის სადავო და საძიებელი არაა: კასხი — კახი და მუსხი — მესხი დღემდის ცოცხალი ნაწილია ქართველი ერის.

დასავლეთ მცირე აზიის ტომების: კარიის, ლიკიის, ლიდიის და ფრიგიის ენების დოკუმენტი მეტად მცირეა შენახული. მაგრამ ეს ენებიც იმავე ოჯახს ეკუთვნიან. ძველი დროის მცოდნენი ამბობენ, რომ საერთოდ მთელი მცირე აზია და მასთან ხეთაც დასახლებული იყო ერთი ეთნური ოჯახის ხალხებით. ამ მდგომარეობის არსებითი შეცვლა ბერძენთა კალონიების ვაგლენას არ შეეძლო. ტომების ნათესავობას მართო ენობრივი ნიშნები არ აცხადებენ. დიდი მნიშვნელობა აქვს სარწმუნოებას, ხელოვნებას, ადგილების სახელებს. მკვლევარებმა დიდი ხანია მიაქციეს ყურადღება იმ გარემოებას, რომ მცირე აზიის

გეოგრაფიული სახელების დაბოლოება დოს, ოსსა, ისსა, ესსა, ოსოს, სოს, ანდა, ინდა, ენდა სრულებით არ შეეფერება ბერძნულს. ეს სახელები იგივეა, რაც ქართული ჯვარისა, ლომისა, ქუთაისი, დმანისი, გურიანთა, ბიჭვიანთა. მცირე აზიაში და საქართველოში გვხვდება გეოგრაფიული სახელები „ეთი“-ს დაბოლოებით. ვხედავთ ერთსა და იმავე სახელებსაც: ლორი, ქუთაია, გაგრა, გორდი, მოსიხოს, მისტია, თიანეთის, ქობულათუს, ხონი, სანგორი და სხვას მცირე აზიაში, ხოლო საქართველოში: ლორი, ქუთაისი, გაგრა, გორდი, მოხისი, მესტია, თიანეთი, ქობულეთი, სამგორი და სხვა. ფრიგიაში შთას, სადაც კიბელას (მა — ს) სალოცავი იყო, დინდიმას ეძახდენ. უცხოელებს ვერ აუხსნიათ ამ სიტყვის ძირი. ეს კი აღვილია ქართულ — მეგრულის შემწვობით: დინდი მეგრულად დიდი, დინდიმა — დიდი მა (კიბელა). ამისთანა მაგალითი ბევრი შეიძლება მოვიტანოთ.

როგორც ვთქვით, სუმერელების და სხვა იაფეთიანების (აზიანეების) პანთეონი ჯერჯერობით სრულად გარკვეული არაა, ხოლო რაც ვიცით, ისიც გვიჩვენებს, რომ წინა აზიის ღმერთები ერთ-მეორეს ენათესავებიან და ხანდახან სახელებიც ერთნაირი აქვთ. აღსანიშნავია, ყველა ტომში გაბატონებული კულტი განსყოფიერების და აღმოცენების (საქართველოში, მაგალითად სვანეთში, დღემდისაა ამის კვალი), კულტი ცხოველების (ხარის) და განსაკუთრებით ყველგან დიდად პატივცემულია დიდი დედა, დედა ღმერთი, დედა მიწა, რომლის ნაშთი შენახულია ფშავეთში. უნდა გვახსოვდეს, რომ რასაც ახლა ქართულები მიწას ვეძახით, ამას ძველად ეძახდენ ქვეყანას (ქვეყნის მოქმედი — მიწათმოქმედი) და დედა-მიწა კი გამოხატავდა მიწის ღვთაებას. უეჭველია, ქართული სიმღერის ალაღე, არაღე გამოძახილია სუმერიის არაღუს (ეს საიჭიოს ნიშნავდა, მაგრამ შეიძლება საიჭიოს სულსაც); იგლი - ალაღე, სუმერულად ივრი - უფალს, მაზა-

სადამე აქ გვექნება უფალი ალაღე (არაღუ); თარი-ალ-  
 ალღე, თარი—სვანურად არის მთავარი, მაშასადამე თარი-  
 ალაღე—მთავარი ალაღე (არაღუ). ქართული მატყიანე  
 ქართველთა კარპებად ასახელებს აინინას და დანანას,  
 რაიცა უთუოდ იაფეტური საერთო პანთეონის ანარეკლია.  
 შეიძლება ისიც, რომ ქართველთა განმანათლებელის ნი-  
 ნოს (ნინას) და მირიან მეფის ცოლის ნანას სახელებიც  
 ამავე პანთეონის გამოხმაურება იყოს. ქართულ პანთე-  
 ონში, მთვარე მთავარი ღმერთია, ასე იყო კარიაში და  
 ფრიგიაში. ჩვენში ტაროსის და მეხის ღმერთია ვები  
 (ვობი) — იგი მოგვაგონებს ხეთელების თეშუმს—ელვა-  
 ქუხილის ღმერთს. ქართული „ღმერთი“ ერთ-ერთ ღვთა-  
 ების საკუთარი სახელი იყო, მერე გახდა საზოგადო სა-  
 ხელი. შეიძლება „ღმერთი“ ელამურ ღმერთ ქალის ლა-  
 გამარ, ლადამარის ნათესავი იყოს. ძველ დროში, მზეს  
 ქართულად არღი ერქვა, ქალღურადაც არღი მზეა. ქა-



ა.



ბ.

ა. ხუმერული ქანდაკება, სადაფზე ამოჭრილი.

ბ. ქართული ქანდაკება, ქუთაისის ბაგრატის ტაძრის  
 სვეტის თავზე.

რთული კალენდრით, სამშაბათი არის დღე თახას, ტერ-  
კინის, ხეთურად ტარკუ, ტარზონ ომის ღმერთია. ქარ-  
თულ კერპს ზადენს აგრედვე უნათესავებენ ხეთურს  
მცენარეულობის ღმერთს სანდანს (სანტას).



**ფასკუნჯი** (ჭურ - მიტანური, სუბარული რელიეფი)

ისტორიკოსები თითქმის ერთხმად აღიარებენ, რომ  
წინა აზიის ტომების ხელოვნებას ერთი ბეჭედი აზის,  
ყველას ერთი მოდელი აქვს წინ—სუმერული. ასე მაგა-

ლითად, სუმერის დიდი მცოდნე Vooley სწერს, რომ სუმერის ცივილიზაციის კვალი და გავლენა ნათლად სჩანს მთელ მცირე აზიაში. ამასვე ამბობს Contenau და კერძოდ სუმერულ ხელოვნების გავრცელების გამოწინა აზიაში, გამოთქვამს სრულიად ჭეშმარიტს აზრს, რომ ერთი ხალხი ბაძავს მეორეს და გადააქვს მისი ხელოვნება, თუ მათ შორის ერთნაირი ნათესავეობით გამოწვეული სულიერი ერთობაა. „მთელი წინა აზიის აზ-



**ფასკუნჯი** (ქართული ქანდაკება მე-11 საუკ.)

იანიკური საერთო ფონდია იმის მიზეზი — განაგრძობს ფრანგი ორიენტალისტი — რომ ისე ფართოდ გაიშალა იქ ის ხელოვნება, რომელსაც უწოდებენ მესოპოტამურს ან დასავლეთ აზიურს და რომლის საფუძველია სუმერული ხელოვნება“.

ეს ხელოვნება დიდხანს ყვაოდა მცირე აზიაში, სადაც მას ასაზრდოვებდა აზიანიკების ეთნური ერთობა, როცა თვით მესოპოტამიაში მას დაეკარგა ფასი მას შემდეგ, რაც იქ გაბატონდნენ სემიტები.

ჩვენ გადავავლეთ თვალი წინა აზიის ისტორიას, დაახლოვებით ოთხი ათასის წლის მანძილზე. იქ ვხედავთ თავიდან იმ ხალხთა მოდემას, რომელსაც აზიანიკებს, ალაროდელეებს, იაფეთიანებს ეძახიან. მათ ჩაუტდეს საფუძველი წინა აზიის დიდს ცივილიზაციას და მერმეც იღებენ დიდს მონაწილეობას მის განვითარებაში და პოლიტიკურადაც ფართო აქტივურს როლს თამაშობდნენ მეექვსე საუკუნემდის ქრ. წინ. მათ წინააღმდეგ და მათთან პარალელურად მესამე ათასეულიდან გამოდინ სემიტები (აკადი, ბაბილონიეტი, ასურეთი) და შემდეგ ინდოევროპიელები. ამათაც, რასაკვირვლია თვალსაჩინო წვლილი შეიტანეს წინა აზიის ცივილიზაციაში, ხოლო წინა, ღირებულება და მნიშვნელობა იაფეთიანთა ნამუშევარისა და გაკეთებულისა გაცილებით მეტია.

წინა აზიის (შეიძლება ვიხმაროთ მოდერნული სიტყვა, ახლო აღმოსავლეთის) ცივილიზაციის ფასი ჯერ კიდევ სავსებით შესწავლილი და შეგნებული არაა. ეს კიდევ წინაა, შეიძლება უცდის იმ დროს, როცა მდიდარი საბუთები და ძეგლები იქნება აღსნილი და გადაშლილი. უკვე გაგაცანით ჩიკაგოს პროფესორის შიერას აზრი, რომ წინა აზიის გათხრები ბევრს საკვირველებას აღმოგვიჩენენ. სიამოვნებით მოგიტანთ მეორე ამერიკელის ვილ დიურანის (ავტორია მრავალტომიან „ცივილიზაციის ისტორიის“) შეხედულობას: „წერილობითი ისტორია აღწევს ექვს ათასს წელს, არა ნაკლებს. ამ ხნის ნახევრის განმავლობაში, ადამიანთა საქმეების ცენტრი იყო ახლო აღმოსავლეთი... მთელი ჩვენი ცივილიზაცია, ევროპიული და ამერიკული, მისგან გვაქვს მიღებული, ჯერ კრიტელების და მერე საბერძნეთის და რომის მაშუალოებით. არიელებს არ შეუქმნიათ ცივილიზაცია, იგი ვადმოდის მესოპოტამიისა და



ეგვიპტისაგან, შით უფრო არ დაუწყია ცივილიზაცია საბერძნეთს. მან ამ დარგში მეტი შიილო, ვიდრე მოგვცა. საბერძნეთი ბედნიერი შემკვიდრე იყო, რომელმაც ისარგებლა ძველი—სამი ათასი წლის ხელოვნება და ცოდნა, მის ქალაქებში შემოტანილი შემთხვევით ან ომების შემწეობით. ჩვენ რომ ახლო აღმოსავლეთს ვეცნობით და პატივს მივაგებთ, მხოლოდ ვალს უხდით ევროპის და ამერიკის ცივილიზაციის ჭეშმარიტს დამაარსებელთ“.

ვილაპარაკეთ წინა აზიის ხალხებზე. იაფეთიანთა მოდგმის საკითხი ძალაუნებურად იწვევს ფარგლების გაწევას წინა აზიის გარედ, რადგან მისი კვალი სხვაგანაც ცხადდება. გადავიხედოთ დასავლეთისკენ, ევროპისკენ. ძველ ბერძნებში გარდმოცემა არსებობდა, რომ ვიდრე ბერძნები მოვიდოდნენ, სულ სხვა ხალხი ცხოვრობდა იქ, რომელსაც პელასგებს უწოდებდნენ. მკლევარების ყურადღებას იქცევდა ის გარემოება, რომ ბევრი ბერძნული სიტყვის ძირი ბერძნული არაა, რომ მსგავსად მცირე აზიისა საბერძნეთში ზოგი ადგილის სახელი ბოლოვდება **ssos** და **nda**-თი. ელინისტებს უცნაურად ეჩვენებოდათ აგრედვე ბერძნეთ ღმერთების სახელები. არქეოლოგებს დიდი მასალა მისცა ეგეოსის კუნძულებზე; განსაკუთრებით კრიტის კუნძულზე წარმოებულმა გათხრებმა. გამოირკვა, რომ კრიტზე და ეგეოსის სხვა კუნძულებზე მესამე ათასეულ წლებიდან არსებობდა სრულიად თავისებური მდიდარი კულტურა, რომელსაც დღეს უწოდებენ ეგეოსის ან კრიტის ცივილიზაციას, რადგან საუკეთესო ნაშთებს ამ ცივილიზაციისას გვაძლევს კუნძული კრიტი. კრიტის ცივილიზაცია ყვაოდა განსაკუთრებით მეორე ათასეულ წლებში, 1400 წლამდის. კრიტი წარმოადგენდა მშვენიერად, პოლიტიკურად და სოციალურად მოწყობილს სახელმწიფოს. ეკონომიური ცხოვრება იყო მაღალ დონეზე — ლითონის წარმოებით, მხატვრული კერამიკით, ქსოვილებით. ფართოდ იყო განვითარებული ვაჭრობა და კრიტი გვევლი-

ნება ისტორიაში პირველ საზღვაო სახელმწიფოდ თავის წარმატებულ ფლოტით. სახლები შენდებოდა დიდი არქიტექტურული გამოცდილებით, რომელიც ითვალისწინებდა ერთსა და იმავე დროს სიამოვნებას — სინათლის და ჩრდილის განაწილებით, სვეტების გამოყენებით, კედლების მოხატულობით, სახლიდან გამოხედვისათვის, სათანადო პეიზაჟების შერჩევით, და პრაქტიკულს კონფორტს—კანალიზაციას მომდინარე წყლით ფეხისადგილებისთვის, აბანოებით, სუფთა წყლის მოწოდებით სასმელად. ჰქონდათ არქივები. ქუჩები იყო სწორი და მოკირწყლული, მშვენიერი ხიდებით და ვიადუკებით. ცივილიზაციას ემჩნევა გავლენა ეგვიპტის და განსაკუთრებით შცირე აზიის, ამასთან ყველაფერი ორიგინალური, თავისებურია. აზიიდანაა გადმოღობული ლითონის მრეწველობა, წერა, ტანისამოსი, მესაქონლობა და განსაკუთრებით სარწმუნოება. აქაც იგივე კულტია დიდი დედის, დიდი ქალ-ღმერთის, კულტი განაყოფიერების, კულტი ცხოველების და ხეების.

ისტორიკოსები კრიტის ბრწყინვალე ცივილიზაციას სთვლიან პირველ მედიტერანულ სასწაულად, რომელმაც მხოლოდ შესაძლებელი გახადა მოვლენა მეორე ასსწაულის, აგრეწოდებული ელინურის სასწაულის (საბერძნეთის ცივილიზაციის), და რომ არ ყოფილიყო კრიტის ცივილიზაცია, არ იქნებოდა ელადის ცივილიზაცია.

სამწუხაროდ 1400 წ. ჩრდილოეთიდან მოსულმა ურდოებმა (ბერძნებმა) დაამხეს კრიტის ცივილიზაცია და მკვლევართა სამართლიანი აზრით, ეს იყო რამდენიმე საუკუნით უკანდახვეა, რეგრესი.

ამ დამხობის შემდეგ, ბევრი კრიტელი სხვა ქვეყნებში გარდაიხვეწა. სხვათა შორის ერთი ჯგუფი მოვიდა ქანაანში — ესენი იყვნენ ფილისტიმელები, რომელთაც კრიტის ცივილიზაციის ელემენტების გადმოტანით საფუძველი ჩაუდგეს პალესტინის კულტურას და პალესტინის სახელიც მათგან წარმოსდგა (პალესტინა—ფილი-

სტიმელთა ქვეყანა). მეორე ჯგუფი კიდევ ფინიკიაში დასახლდა და იქ კრიტიული ცივილიზაციის კერა შექმნა.

ვინ იყო ხალხი, რომელმაც წარმოშვა კრიტიის ან ეგეოსის ცივილიზაცია? იგი არაა არც სემიტური, არც ინდო-ევროპიული მოდემის. ენა არა ჰგავს ბერძნულს. ფიზიკური ტიპი ბასკებს მოგვაგონებსო, ამბობს ზოგიერთი. როგორც უკვე აღვნიშნეთ, სარწმუნოებაში, მხატვრობაში და სხვა დარგში არსებობს მსგავსება მცირე აზიის და კრიტიის მოსახლეობათა შორის. ამის მიხედვით, ისტორიკოსები დაასკვნიან, რომ ეგეოსის მკვიდრნი უნდა ეკუთვნოდნენ ისაფეთიანთა თუ აზიანთა ოჯახს.

ეგეოსიდან თუ ზევით ავიწევთ, ყველამ უწყით, რომ სამხრეთი გერმანია, საფრანგეთი, ვიდრე იქ გერმანელები და კელტები (გალები) მოვიდოდნენ, ეკავათ იბერიებს. ამის კვალი შენახულია გერმანულ და ფრანგულ ენებში და ამასვე მოწმობს ადგილების და მდინარეების სახელები. ყველაფერი ეს უბრალო სახელმძღვანელოებშიც არის აღნიშნული. ნ. შარი ფიქრობდა, დასავლეთ ევროპის, ნაშეტურ სამხრეთის, დღევანდელი მკვიდრნი წმინდა არიელები კი არ არიან, არამედ ისაფეთიანთა და ინდო-ევროპიელთა შეჯვარადინებული მოსახლეობაა.

უწყით აგრედვე ბასკების არსებობა ისპანიის და საფრანგეთის საზღვრებზე, რაც ცხადჰყოფს პირენეს რაიონში, თუ უფრო ფართოდ, ბასკების — მასხების ტომის ბინადრობას. ალბად მთელი ისპანია დასახლებული იყო ბასხ - იბერთა ტომებით.

ყველას მოგეხსენებათ, რომ იტალიის მკვიდრნი ევროპიელ ლათინთა მოსვლამდე იყვნენ ეტრუსკები, რომელთა კულტურა საფუძველია რომისა და რომელთა ჩამომავლობას ისაფეთიანთა ოჯახს უკავშირებენ. ორიგინალური მკვლევარი სოციალურ გეოგრაფიისა **Ed. Demolins** დარწმუნებულია, რომ ეტრუსკები, ისე როგორც პელასგები, კოლხეთიდან არიან გადასახლებულნი, რომ საერთოდ, კოლხეთმა დაუდვა საფუძველი მედიტერა-

ნულ კულტურას, მის ფიზიკურ და სოციალურ ტიპს, მის მხატვრულ გემოვნებას.

ბოლო დროს წარმოებულნი გათხრები სამხრეთ რუსეთში იმის საბუთს იძლევიან, რომ შავი ზღვის ჩრდილო ნაპირები, უძველეს დროში დაკავებული იყო იაფეთიანთა თუ აზიანთა მონათესავე ტომებით.

ყველა შემოდ ჩამოთვლილი ფაქტი გვაფიქრებინებს, რომ ერთ დროს მთელი ტერიტორია წინა აზიისა მდინდუსიდან დაწყებული, ბალკანეთი, იტალია, ისპანია, სამხრეთი საფრანგეთი და გერმანია და შავი ზღვის ჩრდილო ნაპირები დასახლებული იყო ერთი და იგივე მოდგმის ხალხებით. საიდან გაჩნდნენ აქ ისინი? საფიქრებელია, რომ ისინი იქიდან მოვიდნენ, საიდანაც შემდეგ ინდოევროპელები — ცენტრალურ აზიიდან და გამოიარეს იგივე გზა: ნაწილი წინა აზიაში დაბინავდა, ნაწილი ევროპაში. დროთა განმავლობაში ხდებოდა მათი გადასვლა - გადმოსვლა, შერევა, შეჯვარადინება.

ასე ფართოდაა შემოფარგული იაფეთიანთა მოსახლეობის სივრცე. ეს ჯერ კიპოტეზაა მხოლოდ, კიპოტეზა, რომელსაც ბევრი, ბევრი შანსი აქვს, უდავო დებულებად იქცეს. ეს სივრცე შეიძლება შეიზღუდოს; შეიძლება ისიც, რომ გაიშალოს. ყოველ შემთხვევაში, ეს გარემოება ვერ შეცვლის იმ უეჭვო ფაქტს, რომ იაფეთიანთა ნათესავს ისტორიაში ფრიად დიდი ადგილი ეკავა და დიდია, მძლავრია მისი როლი კაცობრიობის ცივილიზაციის შექმნაში...

დიდი ადგილი ეკავა, ვამბობთ, ანუ უკეთ ამბობენ საქმის მცოდნენი, ადამიანები, რომელნიც ეძებენ ისტორიულ სიმართლეს. დღეს რაღაა, ვიკითხოთ ჩვენ, ეს ერთ დროს ასე განთქმული მოდგმა? მისი ნაშთი ძლივს და მოსჩანს მსოფლიოს რუკაზე. ამ მოდგმის ცივილიზაციას სხვები დაეპატრონენ, სხვები აგრძელებენ. ამ მოდგმის ჩამომავალთათვის ნასუფრალიც კი არაა. წავიდნენ, გაჰქრნენ ძლიერნი და ბრწყინვალე წარმომადგენენი იაფეთიანთა რასის. და შეიძლება, ვინმემ თქვას: გაჰ-

ქრენ იმიტომ, რომ უკეთესებმა გაიმარჯვესო. სამწუხაროდ, ომში წაქცევა, დამარცხება, ყოველთვის არ ნიშნავს უკეთესის გამარჯვებას. ისტორიამ იციის კატასტროფები უხეში, უკულტურო ძალის გამოწვეული. ზევით მოვიხსენიეთ, რომ კრიტის წახდენას მოყვა რამდენიმე საუკუნის რეგრესი. განა ნაკლები უკან დახევა იყო სუმერიის დაპყრობა სემიტების მიერ და მესო ცივილიზაციის ნორმალური განვითარების შეწყვეტა? ან ჰურ-მიტანის, ხეთის გაქრობა? თუ ასურეთმა ურარტუ წააქცია, არა იმით, რომ უკეთესობა მოქონდა, არამედ იმიტომ, რომ უფრო დაუნდობელი მეომარი იყო.

ჩვენც, საქართველომაც გამოისცადა ისტორიული კატასტროფა—მონგოლების შემოსევა მეცამეტე საუკუნეში, როცა დაიმსხვრა საქართველოს მაღალი, დახვეწილი ცივილიზაცია, ჰარმონიული შემტკიცება და შედუღება დასავლეთის და აღმოსავლეთის საუკეთესო ელემენტების ქართულ ნაციონალურ სულში. მეთორმეტე საუკუნის საქართველო დაიმარხა და მე-15-16 ს.ს. აღდგენილი — ეს იყო დიდი კულტურის ზოგიერთი ნატეხის და ნამსხვრევის თავის მოყრა. რომ არა ეს კატასტროფა, საქართველო დღეს ახლო აღმოსავლეთის მთავარი მომქმედი პირი იქნებოდა, სულ სხვა გზით წაიმართებოდა მისი ისტორია, ისტორია მთელი წინა აზიის, ბიზანტიის, ევროპისაც...

მაგრამ რაც არის — არის. ფაქტები — ფაქტები და დღეს იმ მოდემას, იმ რასას, რომელსაც ყველაზე მეტი დამსახურება აქვს ისტორიაში, ან თუ გნებავთ, რომ ვისმე არ ვაწყენიოთ, რომელსაც სხვებზე ნაკლები დამსახურება არ მიუძღვის, — ამ მოდემას დღეს წამროვადგენთ ჩვენ, ქართველები და ჩრდილო კავკასიელები, 600-700 ათასი ბასკის მომატებით, სულ 5-6 მილიონამდე სული. ჩვენ და ელემენტები, ნატეხები წინაპართა შექმნილ და მოძალათეგან დანგრეულ ცივილიზაციათა, რომელთა საბუთები ჯერ კიდევ მიწაშია შენახული და რომელნიც, მიუხედავად დანგრევისა, დაედვენ საფუძ-

ვლად შემდეგ ცივილიზაციებს. სემიტებმა დააქციეს სუმერი, მაგრამ დაეყრდნენ მის კულტურას — მის რელიგიას (მხოლოდ სახელები შეუცვალეს სუმერულ ლმერთებს), მის ცოდნას, ტექნიკას. ელინებმა დააქციეს კრიტი, მაგრამ მერმე ნელნელა ამოკენკეს მის ნანგრევებში ელემენტები თავის ცივილიზაციისთვის. მათივე მასწავლებლები იყვნენ მცირე აზიის მკვიდრი ტომები. მათი პანთეონი უმთავრესად ამ ტომთაგანაა. პრომეთეც — ქართველი ამირანი — ეს წმინდა მცირე აზიის მეტალურგიის წარმომადგენელი ლეგენდაა. არგონავტების თქმულება ქართული წარმატებული შრეწველობის გამოძახილია. ვისაც პლატონი წაუკითხავს, არ დაივიწყებს, თუ რა მხატვრულად, ცოცხლად აქვს დახატული ფილოსოფოსს, ბრძოლა ადამიანში პირუტყვულ ინსტიქტების და იდეალურ მისწრაფების. ეს ორბუნებიანობა ადამიანისა დიდად იპყრობდა სუმერელთა გონებას: მათ ლმერთებმა კაცი შექმნეს მიწისაგან (კეცისაგან) და ჩაბერეს ზეციური სული, ამიტომ ადამიანში ორი არსებაა — ერთი მიწისკენ ეხიდება, მეორე ცისკენ. ესევე აზრი გამოხატავს მათ თავის ქანდაკებებით, რომლებიც წარმოადგენენ ნახევრად ადამიანს, ნახევრად ცხოველს. სუმერელების მითოლოგია — ქვეყნის გაჩენის, ადამ და ევა, წარღვნა, ბოროტის და კეთილის ბრძოლა, სოციალური მორალის პრინციპი და სხვა ებრაელთა ბიბლიის საშუალებით, მთელი ქრისტიანობის რწმენის საგანი გახდა. ქრისტეს აღდგომა, სამება - ლმერთი წინა აზიის წარმომომოსაა. ღვთის მშობლის კულტი — ეს შეცვლილი კულტია იმ დედა ლმერთის, რომელიც ზევით გვქონდა მოხსენებული. ქრისტიანობა მცირე აზიის შექმნილი რელიგიისაა. ის იშვა პალესტინაში, ხოლო მისი საფუძვლები, დოგმები, ორგანიზაცია — სულ მცირე აზიისაა. მართალია, მაშინ — ამ ქრისტიანობის შემუშავების დროს აზიანიკების სახსენებელი აღარსად იყო, მაგრამ დარწმენილი იყო ძველი სული, ფსიქიკა, ტემპერამენტი, ღრმა რწმე-

ნები, ზნენი, რომელიც შემდეგ მთელი ბიზანტიის მამო-  
ძრავებელი ძალა შეიქნა.

თვითეული ეს საკითხი ცალკე დაწვრილებით განხი-  
ლვას მოითხოვს. ჩვენ ვასახელებთ მხოლოდ და ისიც  
ზოგიერთს.

არც ერთს ქვეყანას არა აქვს კაცობრიობის ისტორი-  
ისათვის ისეთი მნიშვნელობა, როგორც წინააზიას. და  
შეიძლება, დღეს არც ერთს მხარის წარსულზე არაა მი-  
ქცეული იმდენი ყურადღება, რამდენიც წინააზიისაზე.  
უკვე არსებობს მდიდარი ლიტერატურა. მთელი ტომი  
იქნებოდა საჭირო ავტორთა და მათ ნაწერთა ჩამოსათ-  
ვლელად. გამოცემულია მრავალი ტომებად აღმოჩენილი  
წარწერები. არსებობს სპეციალური პერიოდიული გა-  
მოცემანი, ერთი პარიზშიცაა, რომელნიც იძლევიან ახალ  
ახალ ცნობებს. გათხრებზე მუშაობენ ყველა განათლე-  
ბული ერის არქეოლოგები. პირველმა და მეორე მსოფ-  
ლიო ომმა დიდად შეაფერხეს კვლევა-ძიება, მაგრამ  
იმედია ახლა იგი შიილებს ინტენსიურს სახეს.

სამწუხაროდ ერთი რამ ჰბორკავს და ცუდი გეზით მიმა-  
რთავს ევროპულ და ამერიკულ მკვლევარების მუშაო-  
ბას. ესაა ქართული ენის და საქართველოს ისტორიის  
უცოდინარობა ანუ უკეთ რომა ვსთქვათ, კავკასიულ ერე-  
ბის და კავკასიურ სინამდვილის უცოდინარობა. წინა  
აზიის ისტორია არის ყოვლის უწინარეს აზიანობის,  
იაფეთიანების ისტორია და თავისთავად ცხადია, რომ  
მკვლევარი აუცილებლად უნდა გაეცნოს იაფეთიანთა  
ლდემდის დარჩენილ წარმომადგენლებს, რადგან ამ ცო-  
ცხალ ხალხებში და მათ ენებში შენახულია ნაშთი უძვე-  
ლესი დროის.

ამ გარემოებას კარგი ხანია ყურადღება მიაქცია გან-  
ზენებულმა ნ. მარმა. თავის საჯარო ლექციაში, რომე-  
ლიც ქუთაისში წაიკითხა 1911 წელს, მან განაცხადა:  
„ორიენტალისტები და თვით კლასიკებიც უკვე მოსუ-  
ლი არიან კავკასიის კარებთან, მის წიაღთან ეძიებენ და  
არც უსაფუძვლოთ ელიან საჭირო პასუხებს, თავ- თავის

საგნებზე. კმარა ერთი გაბედული, ვთქვათ ბროსეს მსგავსად, საქმეში მუყაითი, ნამდვილ მეცნიერულად გაწრთვნილი დასავლეთელი შემოვიდეს ჩვენს მასალებში, კმარა ასეთმა სწავლულმა, ერთი ყურადღებით და შეგნებით ჩახედოს მას, რაც უკვე გამორკვეულია, რომ ქართულს და მის მონათესავე ენებს ფართოდ გაეღოს კარები ყოველ უნივერსიტეტში, სადაც კი იკვლევენ ან კაცობრიობის უძველეს ისტორიას ან საბერძნეთის და რომის უძველეს ისტორიას ან სემურს ენებს ან ლურსმულ წარწერებს ან ძველი აღთქმის პირველ წიგნების თავადასავალს ან სომხურ ენას ან საზოგადოთ საყოველთაო ენათმეცნიერებას. ქართულს და მის მონათესავე ენებს, ჩემთვის ყოველ ეტვს გარეშეა, ფრიადი პატივისცემა და ჩვენთვის ახლა წარმოუდგენელი დიდება მოელის მეცნიერებაში. ცხადია იმ ხანაში ამ დარგის მეცნიერები მეცნიერულ გამარჯვებასთან მოიხვეჭენ უფრო მეტს ქონებრივ კეთილდღეობასაც და მაშინ, მე მწამს, მოზარდ თავობას, პაწაწინა და მოზარდ ქართველ ვაჭებს და ქალებს მათი, სამშობლოს მოტრფიალე, დედები, მამები და ბიძები მეტის გულწრფელობით, ნამდვილი გულის სიღრმიდან ეტყვიან: „პატივ ეც დედა ენასა შენსა“, და უფრო გამარჯვებული ჩაგონებით ზე დასძენენ: „და ისწავლიდე მას და ყოველთა ძმა - ენათა მისთა მეცნიერულად, და კეთილ გეყოს შენ“.

ესევე აზრი გაიმეტრა ნ. მარმა თავის ლექციაში, აქ პარიზში ოცდასამი წლის წინად (1923, 3/11). მან თქვა სახელდობრ: „ვიკადრებ თქმას, რომ იღეს იქნება, თუ ზვალ, ქართული ენის შეუსწავლელოდ და მის აღმოჩენილ საშუალებათა გაუცნობლად ვერც ერთი საკაცობრიო კულტურულ სიძველეთა საკითხი ვერ გადაიჭრება“.

**Sapienti sat** — გონიერისთვის კმარა, იტყოდენ რომაელები. გამგები გაიგებს, იტყვის ქართული ანდაზა. ქართულს ნაციონალურს შეგნებას მტკიცე და ღრმა საფუძვლების უქონლობა აუძლოურებს. თუ ავადმყოფური მოვინიშში—ყველაფრის საკუთარის, თუნდ საძაგის სი-



ყვარული და ყველაფრის სხვისის—თუნდ მაღალი თვისების—სიძულვილი მიუღებელია,—საჭიროა ფრიად სალი დაფასება და პატივი საკუთარი ღირსების და მისი დაცვა, მაზედ დაყრდნობა და თვით მით თავის მოწონება. ქართველს ემინია თავის წარსულის, რომლის მეტად ბუნდოვანი წარმოდგენა აქვს — იქ არც რასმე ხედავს, ცარიელ ადგილად ეჩვენება. ემინია თავის წარსლის რწმენების, ზნეების, ტრადიციების — დაძველებულად, არამოდერნულად, არაევროპიულად სახავს. ემინია ქართული შემოქმედების—სიტყვით ეგებ კიდევ შეაქოს, ნამეტურ თუ გაშლილ სუფრას დაყურებს, მაგრამ გულში ნდობა არა აქვს. ურწმუნოა ქართული ენისათვისაც, უჭირს თავის აზრის ქართულად გამოთქმა და ამას ქართულის უვარგისობას აბრალებს, მაშინ, როდესაც დიდი ლინგვისტი ნ. მარი ამბობს: „ქართული ენით ყველაფერი გამოითქმება, რაც კი დედ-მიწის რა გინდ ენაზე გამოითქმის“. და კიდევ იტყვოდა ეს მეცნიერი: „ქართველების კულტურულ საუნჯეში მოინახება ერთი ძვირფასი სპეკელი, რომელიც მარტო, თავისთავად მეცნიერებაში ანიჭებს მათ უპირველეს ადგილთაგანს; მე ვამბობ ქართველების არსების უდიდეს განძზე — ქართულ ენაზე“. და კიდევ მისივე სიტყვებით: „რომ ძველ საქართველოს წინსვლა უდღეურად არ შეწყვეტილიყო, დიდი ხანია, ქართული ენა ერთი მსოფლიო ენათაგანი იქნებოდა“. ასეთი ავტორიტეტული შეფასება ქართული ენის ღირსების, უცხოა დღევანდელ ქართველისთვის და ის ყოველ უბრალო შემთხვევას სარგებლობს, რომ ქართულის ნაცვლად სხვა, უცხო ენაზე ილაპარაკოს და ქართველი დედები აი საფრანგეთში არ ეტყვიან თავის ნორჩს შვილებს, რომ უქართულოდ ქართველი ვერ იქნება, და პირიქით ხელსაც უწყობენ, რომ მათმა შვილებმა დედა ენა დაივიწყონ...

ვფიქრობ, რომ ყველაფერი ეს წარმოსდგება ჩვენი წარსულის, ჩვენი კულტურის, ჩვენი ვინაობის და რაობის სრული უცოდინარობისაგან. რომ ჩვენ ამის ცოდნა

და ღრმა შეგნება გვექონდეს, ჩვენ გვექნებოდა საკუთარი თავის მეტი რწმენა, იმედი და ჩვენი მოქმედება იქნებოდა უფრო სწორი და ენერგიული. ვიდრე არ ვიპოვნით ჩვენს თავს, არ შევიცნობთ სრულიად ჩვენს არსებას, არ ვიგრძნობთ ღრმად ჩვენს მეობას, — ყოველი ჩვენი პოლიტიკა ყოველთვის იქნება უძლური, გაუბედავი, ხერხემალ გატეხილი.

მე მინდოდა, ჩემი მოხსენებით მომეცა თქვენთვის საშუალება, ჩაიხედოთ ქართველთა შორეულ და შორეულ ამბებში. ჩვენ არა ვართ რაღაც გარიყული ერი, ობოლი ერი, ერი ღატაკი, არრის მქონე, არაფრის შემქნელი. არა, არა. ქართველი ერი გადამშულია კაცობრიობის ისტორიის საუკეთესო ამბებთან. პატარა ვართ, მაგრამ მარტო არა. ჩვენთანაა ის დიდი ცვალიზაცია, რომელიც შექმნეს ჩვენმა წინაპრებმა და მათ მონათესავე ტომებმა და გადმოსცეს მთელს კაცობრიობას. ეს ცვილიზაცია გარედან მობერილი არაა ჩვენთვის. შიგაა ჩვენი გული, ჩვენი სისხლი, მკლავი, სიცოცხლე. ჩვენი მოდგმა არაა ისტორიის გარედ, იგი ისტორიის ცენტრშია. ბრძნული თქმაა: „თუ კაცი თვითონ არ ვარგა, ცუდია გვარიშვილობა“ —ო. ხოლო ამის მთქმელს ის კი არ უთქვამს, რომ ჯიში, გვარიშვილობა, ჩამომავლობა არ ვარგა. არა, გვარიშვილობა თავად ძვირფასია, მაგრამ მას კარგად გამოყენებაც უნდა. გვარიშვილობა შეიძლება წაირყვნას, გადაგვარდეს.

როგორ შეხვდა საქართველო ძველ წინაპართა გადმოცემულ გვარიშვილობას? დღეს ჩვენ ვილაპარაკებთ ქართველთა წინაპრებზე. ხოლო საქართველო იწყება კავკასიაში მესამე - მეოთხე ს.ს. ქრ. წინ. მისი ისტორია შეიძლება სამ მთავარ პერიოდად გავყოთ: საქართველო მე-13 ს. დასაწყისამდე, საქართველო მერმენდელი მე-18 საუკ. ბოლომდის და მესამე აქედან დღემდის. პირველი საქართველო პირნათლად გაუძღვა წინააზიის წინაპართა ნაანდერძებს, „ის მოწინავე ერთაგანი იყო“ (ნ. მარი). თავი არ შეუტრცხვინია მეორესაც, მიუხედავად მისი ტრა-

გიული ბედისა. მესამე? ეს ჩვენი დროა, იგი დუღილ-  
შია, ქმნაში, დადგინების პროცესშია; ჩვენ თვითონ ვართ  
მოქმედნი აქ. ამ დროის სიტყვა და საქმე ჯერ წინაა, სა-  
თქმელია და საქმნელი. რას იტყვის ჩვენი დრო, ეს და-  
მოკიდებულია იმაზე, თუ რამდენად კარგად შეცნობი-  
ლი იქნება მძიმე ტვირთი, რომელიც აწევს ამ დროს, და  
რამდენად პასუხისმგებლობის სრული შეგნება ექნება  
დღევანდელ ქართველობას. მათ წინაშე უდიდესი ამო-  
ცანაა, შვიდი ათასი წლის ეპილოგი: გაქრებიან საბო-  
ლოდ სახელგანთქმულ ხალხთა უკანასკნელი ნაშთები,  
თუ განახლებულნი, ახალ ძაღლით აღჭურვილნი, თა-  
ვისუფლებით განმტკიცებულნი უზრუნველყოფენ თავის  
არსებობას და მოევლინებიან კაცობრიობას, როგორც  
საუკეთესო წევრთაგანი ადამიანთა და ერთა ურთიერ-  
თაობაში.

მინდა ჩემი დღევანდელი მოხსენება ერთი დიდი სა-  
ოცნებო სურვილის გამოთქმით დავამთავრო. საოცნებო  
თქვა, მაგრამ ვინ იცის, ეგებ ცოტა უკეთეს პირობებში,  
ვიდრე დღეს გვაქვს, კარგის გამძღოლების და დიდი მო-  
წადინების შემწეობით, მისი განხორციელება შესაძლე-  
ბელი გახდეს. მე მინდა ვილაპარაკო კავკასიელების (რა-  
სულად წმინდა კავკასიელების) შეერთებისათვის, შეკა-  
ვშირებისათვის ერთ კონფედერაციულ სახელმწიფოდ.

პირველი მსოფლიო ომის შემდეგ ყველას ეგონა, და-  
დგა დრო ეროვნულ თავისუფლებისა დიდებისათვის და  
პატარებისათვის. ეს არ გამართლდა. დღეს დიდი ერების  
ტალღები წაღეკვას ემუქრებიან მცირე ერებს. თუ ძველ  
ნაციათა ლიგაშიც მცირე ერები დიდ პატივცემაში არ  
იყვნენ, ლაპარაკის ნება მაინც ეძლევიდათ ხანდახან.  
ახალ საერთაშორისო კრებულში ესეც აღარ შეეძლებათ  
— ისინი განწირულნი არიან. კაცობრიობა რომ ისე გა-  
დარეული არ იყოს, ისე მოკლებული გონიერებას, ელე-  
მენტარულ სამართლიანობას, ისე გამსჭვალული, დაბრ-  
მავებული პირუტყვეულ ეგოიზმით, როგორც ამას დღეს  
ვხედავთ, იგი იზრუნებდა, რომ ყოველ ცოცხალ ერს,

განსაკუთრებით ისტორიულ ერს, შიეცეს სრული შესა-  
ძლებლობა თვითარსებობის და თავისუფალი განვითა-  
რების. განა სამარცხვინო არაა, რომ დღემდის ასე და-  
ბრკოლებულია ებრაელთა ნაციონალური სახელმწიფოს  
შექმნა პალესტინაში?

განა ყველა განათლებული ხალხი მონდომებული არ  
უნდა იყოს, რომ ხელუხლებელი, დატული იქნეს კავკა-  
სიელ ერთა თავისუფალი არსებობა, რომელნიც არიან  
ცოცხალი მოწმენი და დოკუმენტები გარდასრულ დიდ  
ცივილიზაციათა? დღეს წესია ყველგან ძველ ანაგებთა,  
ძველების, ნანგრევების, ქვების დაცვა და შენახვა, უბ-  
რალო ნატეხსაც და კენჭსაც კი უფროთხილდებიან და  
დიდ ველურებად ითვლება, თუ ვინმე უპატივცემულოდ  
ეპყრობა რომელიმე ისტორიულ - არქეოლოგიურ ნაშთს.  
და განა მეტი ყურადღება და პატივისცემა არ უნდა  
გვქონდეს ისეთი ცოცხალი ძეგლებისა, როგორც არიან  
ისტორიული ხალხები? კავკასია—ეს ხომ 6-7 ათასი  
წლის ადამიანური მონუმენტია და როგორც არ უნდა  
იყოს ცივილიზაცია, რომლის ნაშთი და სახე ის არის, არ  
უნდა იწვევდეს საყოველთაო ინტერესს, თანაგრძნო-  
ბას, ხელისშეწყობას, მფარველობას, დახმარებას?.. ესეც  
ხომ სათქმელია: კავკასიელები და კერძოდ ქართველები,  
ადამიანთა ულამაზესი ტიპები არიან. ამის შესახებ ბევ-  
რი დაწერილა, იცით. მოვიტან აქ შემთხვევით რეკლიუს  
გეოგრაფიიდან შემდეგ სიტყვებს: „ქვემო სამეგრელოში  
და შთის კალთებზე მკვიდრი ყველა ლამაზია. საკმარის  
ია გაიაროთ ზუგდიდში, ბაზრობის დროს ან სხვა პატარა  
ქლაქში, რათა დარწმუნდეთ, რომ არსად სხვაგან არ შოი-  
პოვება ისეთი მომხიბლავი ტიპი კაცთა მოდგმის, რო-  
გორც აქ“. მართალია, დღეს კავკასიური მოდგმაც შერ-  
ყვნილია სხვა და სხვა შერევით, მაგრამ მისი სილამაზე  
ახლაც უეჭვოა. და ეს გარემოებაც უნდა უკარნახებდეს  
ყველას ამ მოდგმის შენახვას. ზოგიერთი იშვიათი ჯიშის  
ცხოველის დაცვისთვის ზრუნავენ, და ჩვენ ხომ ადამიანე-  
ბი ვართ!..

ზედმეტია გოდება. ზედმეტია ჩივილი. ამის გამგონი, სიმართლის და სამართლის მქნელი დღეს დაქანებულ და არეულ - დარეულ ქვეყანაზე არავინ მოსჩანს. ისევ ჩვენ უნდა მივხედოთ ჩვენს საქმეს და უშველოთ ჩვენს თავს, როგორც შეგვიძლია.

კავკასიელები — იაფეთიანები, თუ ბასკებზე არ ვილაპარაკებთ, დღეს ვართ: ქართველები, აფხაზ - ჩერქეზები (დასავლეთი ჩრდილო კავკასია) და ლეკ - ჩაჩნები (აღმოსავლეთი ჩრდილო კავკასია). ქართველების მდგომარეობა თავდაცვის მხრით, რასაკვირველია, ყველას უკეთესია. ქართველი ერთი ძველი ისტორიული ერია, წარმოადგენს მჭიდროდ შეკავშირებულს, შედუღებულს ერთ მთლიან ერთეულს ყველა თავის შტოთ, მას აქვს შორეულ დროიდან მდიდარი მწერლობა, ფრიად განვითარებული ერთი ენა, აქვს ხანგრძლივი სახელმწიფოებრივი გამოცდილება და დღეს კულტურულად არა უკანასკნელი რიგებშია. სულ სხვაა მდგომარეობა ჩვენი ჩრდილო მოძმეების: ისინი დანაწილებულნი არიან რამდენსამე ერთეულად, აქვთ ოცამდე თუ მეტი სხვა და სხვა ენა, არ მოეპოვებათ მწერლობა, არ ჰქონიათ სახელმწიფოებრივი ცხოვრება—ყველაფერი ეს ასუსტებს მათ ბრძოლას მოწოლილ ძალის წინააღმდეგ. ყოველ შემთხვევაში ჩვენც და მათაც, ორთავეს საფრთხე მოგველოის, და ეს აუცილებლად მოითხოვს ჩვენს შეერთებას, რომ ერთმანეთის დახმარებით უკეთ გაუმკლავდეთ მტრებს. დიდი ვალდებულება გვაწევს—ეს არაა მარტო ჩვენი ეროვნული სახეობის დაცვა, ეს არის გადარჩენა იმ დიდ ეთნურ მოდგმის, რომლის დღევანდელი ნაშთი ვართ ჩვენ. ჩვენს მხრებზე მრავალ და მრავალ საუკუნის ცხოვრების ტვირთია და უნდა კარგად ვიგრძნოთ სიმძიმე პასუხისმგებლობის, ნაანდერძების დასაცავად.

კავკასიელთა (იაფეთიანთა) გაერთიანებას ერთ კონფედერაციულ სახელმწიფოდ, ბუნებრივია, უნდა უხელმძღვანელონ ქართველებმა, როგორც უფრო მომზადებულებმა კავკასიელთა შორის. მხოლოდ ეს ხელმძღვანე-

ლობა უნდა იქნეს მარტოოდენ ხელმძღვანელობა უფროს ძმების. კონფედერაცია უნდა მოეწყოს ისეთნაირად, რომ რაც შეიძლება უზრუნველყოფილი იყოს თავისუფლება, თვითმყოფობა და თავისებურობა თვითიული ხალხისა, უნდა დამყარდეს სრული თანასწორობა და ერთმეორის დახმარება კავკასიურ ეთნურ სახეობის დასაცავად. რასულ, კულტურულ და პოლიტიკურ ერთობამ ამავედროს. უნდა გამოიხატოს და შექმნას საფუძვლები ეკონომიური თანამშრომლობის. მოეწყობა მუხეუმები და გამოფენები, ეკსკურსიები ურთი-ერთის გასაცნობად, დასაახლოვებლად, საერთო კავკასიურ შეგნების გასაძლიერებლად.

ვფიქრობ, რომ მრავალენიანობისა გამო, რომელიც სუფევს ჩრდილო კავკასიაში, იქაურ მკვიდრთა ერთმანეთთან ურთიერთობის გასაადვილებლად და აგრედვე მათი და ქართველების ურთიერთობისათვის საჭირო იქნება, ჩრდილოკავკასიელებმა აირჩიონ ერთი რომელიმე ან ორი ჩრდილოკავკასიური ენა, როგორც სატომთაშორისო ენა ერთმანეთში და მაშინ ეს ენა თუ ორი ენა და ქართული ენა იქნება სახელმწიფო ენები კონფედერაციაში. ამასთან დაკავშირებით ყოველი ქართველი ბავშვისათვის სავალდებულო უნდა იყოს საშუალო თუ უმაღლეს სასწავლებელში შესწავლა ერთ-ერთი ჩრდ. კავკასიურ ენისა და ასევე სავალდებულო უნდა იქმნეს ქართულის შესწავლა ყველა ჩრდილოკავკასიელიისათვის. სასურველია რომ ყველა კავკასიელებს ერთი ანბანი ჰქონდეთ, ეს გაადვილებდა ერთმანეთის ენის შესწავლას.

ქართველებმა პირველებმა უნდა მივცეთ მაგალითი და საბუთი ჩვენს მოძმეებს, რომ ჩვენი მისწრაფება კავკასიურ ერთობისათვის გამოწვეულია მხოლოდ და მხოლოდ წმინდა კავკასიურ შეგნებით და ინტერესით, საერთო კავკასიურ თავდაცვის მიზნით. უნდა მივცეთ ჩვენს მოძმეებს სრული რწმენა იმის, რომ ჩვენსავით არავინ დაიცავს მათ, რომ ჩვენთან ყოფნა საუკეთესო გარანტიაა

მათი თვითარსებობის. სულიერი ნდობის ატმოსფეროს შექმნა პირველია საქმის წარმატებისათვის...

აღარ გავაგრძელებ. დეტალები არაა საჭირო, ეს ადვილად შემიშავედება, თუ დედა აზრი, პრინციპი იქმნა მიღებული. მართალია, ქართველ - სომეხ - აზერბაიჯანელ - ჩრდილო კავკასიელთა პოლიტიკურ თანამშრომლობის ახლო წარსულმა გვიჩვენა, რომ ჩვენი ჩრდილო მოძმეები უფრო აზერბაიჯანელებთან იყვნენ დაახლოვებულნი. ალბად ეს გამოწვეული იყო საერთო მუსულმანური ტრადიციებით. ეს დროებითი წარმავალი მოვლენა იყო. ბოლო დროის გამოცდილება, საკუთარი თავის მეტი შეგნება, ერთმანეთის მეტი გაცნობა, ჩვენი ხალხების მდგომარეობა, საერთაშორისო ამბები — სულ სხვა ხაზით წარმართავენ ჩვენს მისწრაფებას და პოლიტიკას. და დარწმუნებული ვარ, რომ ჩემი იდეა, ეთნურ-კავკასიურ პოლიტიკურ ერთობისა უფრო და უფრო სატრფიალო გახდება იაფეთიან - კავკასიელებისთვის და დღეს იქნება თუ ხვალ, იგი ოცნების სფეროდან გადმოვა და მიიღებს პრაქტიკულ საქმის სახეს.

ჩემი იდეა, მართალია, ოცნებაა — ვიმეორებ ამას — მაგრამ მას ერთი დიდი თვისება აქვს — აუცილებლად საჭიროა. ვინც გულდასმით მოისმინა, რაც ვილაპარაკეთ, ვინც ჩაუკვირდება მოსმენილ ამბებს, ვინც განიცდის და იგრძნობს მათ, იმედია, დამეთანხმება, რომ ჩემი გეგმა საუკეთესო გზაა კავკასიელთა ეროვნულ არსებობის უზრუნველსაყოფელად, კერძოდ საქართველოს მტკიცე მომავლისათვის.

და ეს ხომ უკეთესი საშუალებაა, ღირსეული პატივი მივაგოთ სახელოვან წინაპრების ხსოვნას.

1945. 12/19.



---

Impr. de Navarre, 11, rue des Cordelières, Paris.

---